

列

朝

詩

集

列朝詩集

甲集前編第一

劉誠意基覆瓿集樂府詩九十五首

古詩六十七首

劉誠意基

基字伯溫青田人元至順癸酉明經登進士第累仕皆投劾去方谷真反爲行省都事建議招捕省臺納方氏賄罷官羈管紹興感憤欲自殺門人密里沙抱持得不死太祖定婺州規取處石抹宜孫總制處州爲其院經歷宜孫敗走歸青田山中伏匿不肯出孫炎奉命釣致之乃詣金陵後以佐命功官至御史中丞封誠意伯正德中謚文成公自編其詩文曰遺藁集者元季作也曰犁耜公集者國初作也公負命世之才丁胡元之季沈淪下僚籌策齟齬哀時憤世幾欲草野自屏然其在幕府與石抹艱危共事遇知己效馳驅作爲歌詩魁壘頓挫使讀者憤張興起如欲奮臂出其間者遭逢聖祖佐命帷幄列爵五等蔚爲宗臣斯可謂得志大行矣乃其爲詩悲窮歎老咨嗟幽憂昔年飛揚礮石之氣澌然無有存者豈古之大人志士義心苦調有非旂常竹帛可以測量其淺深者乎嗚呼

其可感也孟子言誦詩讀書必曰論世知人余故錄覆菽集列諸前編而以犁耨集冠本朝之首百世而下必有論世而知公之心者

艾如張

有苑者林衆鳥萃之我欲張羅榛楛霧之既礪我斧又飭我徒就是與穢而不剪除爰升于虛以相乃麓有條我綱載我目有鳥有鳥五采其章嘒嘒喈喈率彼高岡張之弗獲憂心且傷寤寐懷思曷云能忘有鳥五采亦既來止昭其德音以相君子君子豈弟其儀是若艾而張矣云胡不樂

芳樹

蔚彼芳樹生于蘭池景風晝拂榮泉夜滋燁如其光炫于朱曦含華吐芬嚶鳴滿枝君子有酒以邀以嬉羽觴交橫吹竹彈絲相彼草木允惟厥時良辰易徂能不懷思沛其邁矣其誰女悲

上陵

零雨霏霏亦降于桑愴恨中懷念昔先皇惟昔先皇創業孔艱寤寐興懷能不永歎精靈安所體魄焉依幽明隔絕曷已其思堂堂梓宮在彼高岡霜露是萃能不慨傷禮起由情將情繫物溥斯索矣庶其罔闕郊社既虔

宗廟孔威上陵是申式昭孝思

將進酒

有酒湛湛亦盈于觴酌言進之思心洋洋亦有兄弟在天一方安得致之樂以徜徉有酒在尊既旨且清何以酌之有餽其觥豈不欲飲情無友生愴恨傷懷曷云其平兄弟之合如墳如窟朋友既比如副如維死喪急難是責是庇今日有酒如何勿思人亦有言解憂惟酒載懣載嘷亦孔之咎我觴維瓊我竚維玖以樂兄弟以宴朋友

巫山高

巫山高哉鬱崔嵬下有江漢浮天回深林日月照不到洞谷闔闔生風雷危峯半出赤道上落日猿猱鳴聲哀虎牙赤甲鬪雄壯風氣以之而隔閩楚王遺跡安在哉但見麋鹿跳蒿萊當時忠臣放澤畔乃與斬尚相徘徊山中妖狐老不死化作婦女蓮花腮潛形謫跡託夢寐變幻涕淚成瓊瑰神靈震怒不可禱雲霧慘淡昏陽臺猛風吹雨洗不盡假手秦炬敵飛灰精誠感應各以類世間妖孽能自來君不見商王夢中得良弼傳巖之美今安匹巫山何事近楚宮終古怨恨流無窮

巫山高刺奇后也庚申君寵

高麗奇妃立以爲后專權植黨濁亂官闕故作巫山高以諷諫焉

戰城南

朝戰城南門暮戰城北郭殺氣高衝白日昏劍光直射旄頭落聖人以五服限夷夏射獵耕織各自安土風胡爲彼狂不自顧而與大國爭長雄高帝定天下遺此平城憂陛下宵旰不遑食擁旄仗鉞臣不羞登南城望北土雲茫茫土膺膺蚩尤禡牙雷擊鼓舉長戟揮天狼休屠日逐渾邪王瓊車尾尾連馬羊橐駝載金人照耀紅日光逍遙而來歸帝鄉歸帝鄉樂熙熙際天所覆罔不來小臣獻凱未央殿陛下垂拱安無爲

思悲翁

弱齡輕日月邁景想神仙願往諒無及待來徒自憐黃金棄砂礫劬心鍊丹鉛鑿石不得水沉劍徒窺淵流光不我與白髮盈華顛杖策出門去十步九不前歸來對妻子塵竈午未燻干時乏計策退耕無園田霜滿怨青松逝矢恨驚弦已矣復何道吞聲赴黃泉

聖人出

聖人出臨萬方赤若白日登扶桑陰靈韜精星滅芒羣氛辟易歸大荒脗

暖寒谷熙春陽枯根發茁暢幽藏潛魚躍波谷鳥翔花明草暖青天長青
天長聖人壽北斗軒轅調氣候北辰中居環列宿八風應律九歌奏圓方
交格神靈輳聖人山陽道開億萬年歌康哉

釣竿

斫竹作釣竿抽蠶作釣絲滄洲日暖波漣漪綠蒲茸柳葉垂釣織餌香
魚不知石鱗激水溪毛動玉燕迴翔竿尾重大魚入饌腮頰紅小魚却放
淵沅中更祝小魚知我意長逝深潭莫貪餌

思美人

雨欲來風蕭蕭披挂枝拂陵苔繁英隕鮮葉飄揚煙埃靡招搖激房帷發
綺綉中髮膚惜寂寥思美人隔青香水渺茫山岵嶷雲中鳥何脩脩欲寄
書天路遙東逝川不可遡芳蘭花日夜凋掩瑤琴閑玉簫魂覈覈心搖搖
望明月歌且謠聊逍遙永今宵

楚妃歎楚妃歎亦刺奇后也

江漢揚波六千里上有巫山蠶天起錦衾一夕夢行雲萬戶千門冷如水
聞道秦兵下武關君王雷連猶未還山深不見章臺殿汨羅冤淚空潺湲

尚憶前王好馳逐宮中美人不食肉回狂作哲須臾間至今相業歸孫叔
楚宮無復如昔人況有神女如花新悲來恨新還憶故誰能斷却巫山路

王子喬

王子喬乃是髭王之子皇王之孫深宮洞房不稱意却駕白鶴尋軒轅虹
蜺爲飾雲爲旛飄然乘風上崑崙王子喬去何之朝發陽谷暮崦嵫六龍
九鳳相追隨穆王西上不得王母訣胡爲元氣獨爾私王子喬去不還后
稷功業委如山猶有九鼎知神姦工城日夕生菲菅爾獨胡爲白雲間王
子喬空長歎王子喬刺愛厭識里達臘也太子既兵拒父自瑣住故以出
奔不稱主器宗社將覆故託王子喬以刺焉

走馬引

天冥冥雲濛濛當天白日中貫虹壯士拔劍出門去手提仇頭擲草中擲
草中血漉漉追兵夜至深谷伏精誠感天天心哀太一乃遣天馬從天來
揮霍雷電揚風埃壯士呼天馬馳橫行白晝吏不敢窺戴天之恥自古有
必報天地亦與相扶持夫差徒能不忘而報越棲於會稽又縱之始知壯
士獨無媿魯莊孫絡何以爲人爲明宗被弒于晃忽又庚申帝卽位七年

乃以尚書之言撤文宗。主于太廟而詔書。但以私圖傳于爲言。昧于春秋復仇之大義矣。公此詩蓋深譏之也。

梁甫吟 此詩云艷妻牝雞亦爲奇后而作

誰謂秋月明蔽之不必一尺雲誰謂江水清濁之不必一斗泥人情且暮有翻覆平地倏忽成山谿君不見桓公相仲父豎刁終亂齊秦穆信逢孫遂違百里奚赤符天子明見萬里外乃以蕙苴爲文犀停婚仆碑何震怒青天白日生虹蜺明良際會有如此而況童角不辨粟與稗外間皇父中艷妻馬角突兀連牝雞以聰爲聾狂作聖顛倒衣裳行蒺藜屈原懷沙子胥棄魑魅叫嘯風淒淒梁甫吟悲以悽岐山竹實日稀少鳳凰憔悴將安棲

牆上難爲趨行

弱水不可以航石林不可以車人生貴守分牆上難爲趨茫茫八極內狹徑交通衢紛紛皆轍迹擾擾論錙銖焦原詫齊踵龍領夸探珠片言取卿相杯酒興剪屠機事一朝露妻子化爲魚林間有一士蓬蒿翳窮廬種稻十數畝種桑八九株有酒且飲之無事卽安居孰知五鼎食聊保百年軀悠悠身後事汲汲復何如

少年行

駿馬狐白裘玉勒黃金羈賓從如浮雲顧盼生光輝朝驅紫陌塵暮醉青樓姬但見花月好寧知霜雪飛在苒世途異淒涼瑤草衰田園皆易主親友盡際違學書時既晚躬稼力已微歲晏寒風生倚墻聽隣機逝水不可挽枯蓬安所依佇立爲爾歎感我淚沾衣

獨漉篇

獨漉復獨漉月明江水濁水濁迷龍魚月明復何如楚國皆濁屈原獨清行吟澤畔哀哉不平上山采茶下山采藥心在腹中何由可白髮獨在後虎豹在前四顧無人魂飛上天珠玉委棄不如泥沙躡冠戴履萬古悲嗟

與懷歌五首

白惡養雛時夜夜啼連曙如何羽翼成各自東西去昨夜霜風起入戶復吹惟兒啼母心酸母愁兒不知養兒徒養老無兒生煩惱臨老不見兒不如無兒好食藥苦在口食蓮苦在心苦心無人知苦口淚沾襟男兒初生時蓬矢桑弧弓老大却思家同惱無終窮

君子有所思

晨上龍首山徘徊望咸京交衢錯萬井甲第連公卿鞍馬相照耀冠蓋如雲行扈從金宮歸賜酒銀鬢盈前庭列騶騎後苑羅傾城寵極妬心起歡餘驕氣生田寶巧相奪蕭韓互摧傾快意在一時報復延戈兵范雎掉柔舌穰侯去疆嬴寧知幽燕客接踵夸雄鳴茫茫前車轍遺迹猶未平胡爲不自悟坐使憂患并二疏獨何人千載垂令名

上山采藤蕪

上山采藤蕪山峻路迢遞山下逢故夫悲風生羅袂憶昔結髮時願得終百年變故不可期中道相棄捐蓮實生水中石榴生路側未嘗掛齒牙中心豈能識上山采藤蕪羅袖生芳菲因君贈新人莫遣秋霜落葉辭故枝不寄別條上白日無回光誰能不惆悵

雙桐生空井

雙桐生空井井空桐葉稀葉稀不自蔽風鳥將安歸雙桐生空井井泥泉不出桐根日夜枯何由伐琴瑟

玉階怨

長門燈下淚滴作玉階苔年年傍春雨一上死牆來

秋思

梧桐生碧砌密葉暗金井驚心昨夜月照見樓禽影

長門怨

白露下玉除風清月如練坐看池上螢飛入昭陽殿

長相思

長相思在沅湘九疑之山鬱蒼蒼青天蕩蕩林木暗落日虎嘯風飛揚欲往從之水無航仲尼有德而不用孟軻竟死於齊梁松柏摧折桂生蠹但見荆棘如山長長相思斷人腸

大牆上蒿行

牆上蒿方春擢秀何芃芃炎天六月旱無雨枝葉枯死隨飄風世情翻覆不可擬人生有身莫依倚君不見樊將軍一朝函首西入秦又不見劉越石仰天長歌握中璧三士自殘因二桃子胥終棄吳江濤世人見機苦不早何不看取牆上蒿

雜鳴曲

日將出雞先鳴千門萬戶聽雞聲美人錦帳愁欲曙壯士苦心煎百慮人間百年能幾日日日雞鳴催日出一朝過了復一朝白髮蕭蕭此生畢齊妃播淑德感彼蟲薨薨周宣悟姜后功業光中興亦知國家共如此莫怪雞鳴催早起

邯鄲才人嫁爲厮養卒婦

邯鄲有才人艷色如朝霞嫁作厮養婦雲鬢埋泥沙憶昔趙王全盛日夜夜綺筵張寶瑟中山美酒盈羽觴一笑黃金滿千鎰繁華過眼如轉蓬故宮禾黍秋茫茫明珠白璧走函谷墜簪遺珥空悲風人生最苦是衰老白首無歸向誰道孤兒行夜永月光寒卧聽鴛鴦駘乾枯草

孤兒行

蓬頭破足誰家兒滿面塵埃雙淚垂爺娘棄我不待老骨肉無人但兒嫂兩身一氣不相知陌路茫茫向誰道清晨采薪日入歸殘羹冷飯難充飢欲言問兄兄不顧嫂是他人更奚訴人生一世爲弟兄同根自合同枯榮爺娘在日曾眷戀願兄回看死人面此詩亦有感于文宗兄弟之間而作

病婦行

夫妻結髮期百年何言中路相棄捐小兒未識死別苦啞啞向人猶索乳
箱中探出黃金珥付與孤兒買餐餌不辭瞑目歸黃泥泉下常聞兒夜啼
低聲語郎情不了願郎早娶憐兒小

淮南王

淮南王好神仙澄心鍊氣守自然收拾真一歸中圓化為五色黃金丸乘
風駕景飛上天飛上天逍遙遊入鸞捧轂龍翼榭虹蜺繽紛夾綵旂上窺
九陽下六幽回頭大笑武皇帝柏梁桂館空清秋

蜀國弦七首

胡笳拍斷玄冰結湘靈曲終斑竹裂爲君更奏蜀國弦一彈一聲飛上天
蜀國周遭五千里峨眉峩峩岷嶓出水作大江地著天浮戒南紀
舒爲五色朝霞暉慘爲虎豹嘯陰霏翕爲千嶂雲雨入嘘爲百里雷霆飛
白鹽雪消春水滿谷鳥相呼錦城暖巴姬倚歌漢女和楊柳壓橋花纂纂
銅梁翠氣通青蛉碧雞啼落天上星山都號風寡孤泣杜鵑鳴咽愁幽冥
商悲羽怒聽未了窮猿三聲巫峽曉瞿塘噴浪翻九淵倒瀉流泉噴木杪
樓頭仲宣騎旅客故鄉渺渺音塵隔含悽更聽蜀國音不待天明頭盡白

東飛伯勞歌

南飛鷓鴣北飛鴿黃昏鳴雞白日燭珊瑚石上栽
弄絲鴛鴦獨宿枯桑枝
永夜涼蟾入羅帷
蟬翼不如秋髮薄
寒塘露蓮千葉紅
可憐零露空隨風

雙燕離

雙燕營巢時雙飛復雙語
輕盈柳陌風振迅
芹塘雨集成近繡幃
雙宿更雙飛
爲蒙主人愛不信有睽違
四月溫風起桐花發
紅藥拾蟲還哺雛
中入無停情五月致雛飛
繞巢舞烏衣側避蛛絲過
斜縈柳線歸六月雛顰
老分飛各相保脉脉傷珠簾
依依集蘭楹世事有轉旋
陵谷一朝遷昆明
延劫火甲第化歌燼
帶睡驚飛出塵沙
兩相失死生不得知
燕婉從茲且回看舊主人
粉黛成灰塵天高雲渺渺
海闊波鱗鱗存存朝還暮
惻惻白何處毛周半夜霜
淚滴三春露露寒霜又濃
憔悴不成容同心諒難隔
魂終相從

遠如期

遠如期近別尚云可
遠期能不悲憶昔辭君出門去
手種庭前松栢樹
樹今成器人未歸
洞房白髮秋霏霏
高原有梧墜有檟
待君北邙山石下

大堤曲

大堤女兒顏如花大堤堤上無豪家東家女作西家婦夫能棹船女沽酒
春去秋來年復年生歌死哭長相守君不見襄陽女兒嫁荊州撞鐘擊鼓
烹肥牛樓船一去無回日紅淚空隨江水流

白苧詞二首

鏗華鐘伐靈鼓青娥彈絲白苧舞文竿迎風雉振羽長袖奮迅若雲舉博
山霧合春濛濛玉釭搖火生長虹翠蕩紅翻如夢中

暖香結暝嬌青春翠斂珠壓光照人鳳簫十二煙霧勾鴻鶯燕嬌波龍鱗
玉觴交飛酒如浴門外斜陽在林杪宮中沉沉天未曉

鈞天樂

君不見天穆之山二千仞天帝所以觴百靈三嬪不下兩龍去九歌九辯
歸杳冥我忽乘雲夢輕舉身騎二虹臂六羽指揮開明闕帝關環佩冷冷
曳風雨明月照我足倒影搖雲端參差紫鸞笙響震瑤臺寒我欲聽之未
敢前空中接引皆神仙煙揮霧霍不可測翠葩金葉光相射鯨鐘虎簾鏗
鴻濛撼昆崙今殷崆峒揚天桴今伐河鼓咸池波今析木風遂升泰階朝

玉帝側身俯伏當瓊陛訊曰太極折裂爲乾坤紛紛枝葉皆同根胡爲妄
生水火金木土自使激搏相熬煎臣聞三皇前羣物咸熙熙衆子戴一父
皞皞無偏私忽然元氣自蕩瀟變換白黑分賢癡出尤與黃帝從此與戈
矛流毒萬萬古爭奪無時休骨肉自殘賊帝心至仁能不憂帝不答臣心
迷風師咆哮虎豹怒銀漢洶湧天雞啼輿輪掀掀三島過海水盡是青玻
璃神奔鬼怪惕驚起道音瀲灩猶在耳夢耶遊耶不可知但見愁雲漠漠
橫九疑

從軍五更轉五首

一更戍鼓鳴市上斷人聲風吹鴻雁過憶弟復思兄
二更月上城照見兜鍪光側身望山川淚落百千行
三更悲風起樹上烏鵲鳴枕戈不能眠荷戈繞城行
四更城上寒刁斗鳴不歇披衣出戶視太白光如月
五更星斗稀霜葉光爛爛健兒爭先起拂拭寶刀看

前有尊酒行

前有尊酒芳以飴舉杯欲飲且置之丈夫有志可帥氣胡爲受此麴蘗欺

禹惡旨酒玄德上達桀作酒池而南巢是蔡商辛惡來以白日爲夜糟丘
肉林相枕藉瑤臺條忽成灰塵流毒猶且遷殷民夫差醜而納施楚國酣
而放屈姑蘇臺上麋鹿遊鄢郢宮中狐兔出溝夫罵坐禍延魏其竹林稱
賢神州羨藜亡家破國有如此酒有何好而嗜之前有尊酒釀以清酌之
白日成晦冥眼花耳熱亂言語元氣耗斁肝膽傾乃知酒是喪身物衛武
之戒所以垂休聲

隔谷歌

戰鼓咽悲風弓折不可把弟兄隔谷不相聞咫尺人間與泉下丈夫誓許
國殺身非所憐兩心本一氣何能坐相捐登埤四顧望慷慨肝膽裂不見
救兵來但見繞城鐵甲光如雲飛禽在羅網尚或念其饑身爲高官馬食
粟忍見手足居重圍相彼鴻與雁亦各顧匹儔挽弓射一獲羣猿拔箭聲
啾啾鳥獸且有情人心獨何尤嗚呼田家紫荊雖微木不忍聽君歌隔谷
此詩與孤兒行皆爲玄宗而作

氣出唱

今日不樂振策遠遊東上泰山巍何脩脩道逢仙人要我同仇蒸霞爲糧

烹玉爲羞玄英素糝光華蔓流日觀箇苞葩華九州令我從之身輕若浮
道以五鸞翼以兩虬朝翔玄圃夕止蓬丘謁見下母雲看月眸青娥三千
或舞或謳風吹琅玕聲如鳴球雜花並開莫知春秋洪崖先生勸我此箇
自揣凡骨非仙者儔七情交煎一觸百抽又病慙僻無藥可療崇崇清宮
蕩無涯陬列仙如沙不少一漚王母笑聽拜謝扣頭歸來山林曷標曷鈞
熙熙泰和長樂無憂

班婕妤

昭陽秋清月如練笙歌嘈嘈夜開宴長信宮中凝輦人獨倚西風詠統扇
傾城自古有褒姒紅顏失寵何須怨冷冷玉漏掩重門一點金缸照書卷

短歌行

涼風西來天氣清雲飛水落山崢嶸髮膚剝骨生鮮芳菸悒成枯莖
百蟲哀號百竅鳴凡有形色皆不平成之孔艱壞厥輕羈人含愁起夜行
列星滿天河漢橫繁思攢心劇五兵天高何由達其情歸來託夢通精誠

燕歌行

霜飛動地燕草凋沙飛石走天蕭條江河倒影陵谷搖白日慘淡畫爲宵

美人迢迢隔雲霄青冥無梯海無橋魚枯雁死星芒消沉沉思君不自憐
愁如驚風鼓春潮歲云暮矣山寂寥梧桐葉落空乾條崑崙層城阻且遼
蒼梧九疑煙霧遙瓊田瑤草芟芻蕘江離澤蘭成艾蕭登高望遠肝肺焦
安得羽翼搏長颺

苦哉行

雞不可使守門狗不可使司晨驅車梁弱水日暮空悲辛我欲乘風謁閻
闔虹蜺彌天雲霧合九關虎豹森駭人長跪陳辭闔不荅錯石作瑛璫鬼
神驚見欺截梁爲樽櫨般垂拊膺淚交頤衝風結玄冰道惡不可履巫咸
上天去澤凍神菁死我欲竟此曲此曲多苦聲鴻雁向天北因之寄遐情
起夜來

微月就沒銀河爛城烏啞啞夜將半憂愁不寐攬衣起仰看明星坐待旦
威弧歷落連天狼兩旗欲動風不揚槐根王侯夢未覺豈知雞聲堪斷腸
無愁果有愁曲

君不見陳家天子春茫茫後庭玉樹凝冷光樓船江上走龍陣宮中只報
平安信酒波灩灩蒸粉香暖翠烘煙妬嬌鬢無愁老夫貂鼠裘降旗搖動

臺城秋生結東縛檻車去始信人間果有愁

放歌行

鴻鵠搏紫霄鷄鳩守苞桑豈惟異所志羽翼有短長
玄陰變白晝闇虛侵太陽一鹿走中原熊虎競騰驤
植竿成壘壁舉袂爲摯槍叱咤倒江河蹴踞摧山岡
犬牙據險鬻瓜瓣割土疆六奇誇曲逆三略稱子房
磨牙各有伺裂背遙相望龍蛇未分明智力正爭強
孔明魚得水毛遂錐脫囊霧晦豹始變海激賜乃翔
嗟爾獨何爲抱已自摧藏

艷歌行

亭亭松柏樹結根幽澗隈高標拂雲日直幹排風雷
曾經匠石顧謂是梁棟材明堂未構架厚地深栽培
熒星入天闕武庫一朝災搜求到櫟樸谷赤山城垓
般爾死無人鉤繩付輿臺路阻莫自致棄之於草萊
天寒斧斤築歲莫空摧頽三光無偏照四氣有還迴
斯喪在須臾成長何艱哉孰知真宰意悵望使心哀

門有車馬客行

門有車馬客云是故鄉人執手前借問鄉語知情真
自云別故鄉觀光京

國塵經商涉代比薄宦往西秦繡鳳錦鴛鴦金鞍紫騏驎結交貴公卿出入擁衆賓劇孟氣方銳郭解家不貧但見三春花寧思秋露晨斷蓬失其根風沙欲漂淪前途塞虎狼故里荒荆榛昔爲橫海鯨今爲涸轍鱗語言未及竟涕淚各盈巾居家倚骨肉出家倚交親何常在異縣見此舊里鄰園蔬如蜜甘市酒若醴醇悲歎且棄置生死同苦辛短歌有深情情深難具陳

煌煌京洛行

齊謳且輟唱吳趨亦停聲請君傾耳聽聽我歌洛京京洛何煌煌卜宅自周王五服畫九州茲惟土中央用文四戰地恃德不恃強叔世道雖微靈源瀉流長漢祖殪秦項定都由子房馬上得天下繼周焉敢當光武起白水龍飛埽揆捨應天順民心戡暴安痍傷冤旒正宸極圭組崇俊良功臣列爵土循吏勸耕桑詔書報臧馬玉關閉西羌周嚴播高風卓魯樹甘棠廷無乳虎伏邑石馴雉翔涓涓醴泉液燁燁朱草芳繼體更能賢守成不踰常南郊尊上帝宗祀親明堂辟雍養耆德靈臺觀祿祥南宮畫元勳東觀昭文章詩書母后訓淫侈蕃封防日年天再闢四帝百重光傾景自滿

盈宴安生息，荒刑官竊威。柄義士死道，窮費積千里。草禍成一星，黃大命始不擊餘暉。尚悠揚典午，亦有初言治。稱太康用人，混哲否孽芽。出蕭牆兄弟相啖食，同氣成豺狼。金墉豈不固，清談漫洋洋。妖星入太極，胡雛登御床。銅駝荆棘沒，寢廟狐狸藏。落日照西城，寒雲歸北邙。輾轉無人行，伊洛廣且長。袞榮若旦暮，道德信金湯。殷勤京洛篇，厥鑒不可忘。

靜夜思

靜夜思一思腸百轉，啼螿當戶聽。不聞明月在庭看，不見方將入海馴。猛蛟復欲度嶺，遊飛猱胸中倏忽亂。憂喜得喪紛紛竟，何是靜夜思。思無窮，天雞一聲海日紅。滿頭白髮吹秋風。

冬暖行

孟冬十月暖，桃李花盛開。胡蝶草間出，飛上花枝來。蝶知愛花爲花出，不知冬暖無多日。霜風一夕花作塵，墜粉飄黃愁殺人。

節婦吟

淒切復淒切，綠萍初生池。水竭蘭根壓，霜芽不茁春。風冷冷逐秋，月寥寥食苦甘。如酒卷菘雖生心，已朽揚州青鏡蝕。土花玉匣瓊臺復，何有君不

見人間日月如飛梭地下相從應始各

登高丘而望遠海

登高丘望遠海長風簸浪高於山蓬萊宮闕無光采雲霧翳曠谷羲和安
所之鯨鯢作隊行鱗鬣如朱旗精衛銜石空有心口角流血天不知登高
丘望遠海弱水浩蕩不可航一望令人玄髮改

江上曲

江上風吹沙石走江中濤浪如牛吼鄂君繡被寒無香江水不如殘夜長

薤露歌

蜀琴且勿彈齊竽且莫吹四筵並寂聽聽我薤露詩昨日七尺軀今日爲
死屍親戚空滿堂魂氣安所之金玉素所愛棄捐篋笥中佩服素所愛淒
涼掛悲風淒妾素所愛灑淚空房權賓客素所愛分散各西東讎者自相
快親者自相悲有耳不復聞有目不復窺譬彼燭上火一滅無光輝譬彼
空中雲散去絕餘姿人生無百歲百歲復如何誰能將兩手挽彼東逝波
古來英雄士俱已歸山阿有酒且盡歡聽我薤露歌

蓮塘曲

落日下蓮塘，輕舟赴晚涼。偶然花片落，飛出兩鴛鴦。

高里曲 三首

澗草萋萋泉汨汨，紫蘭香老棠梨發。山中無人松栢寒，
別聽狐狸嘯明月。白楊樹頭風惻惻，寡鳥悲啼山月黑。
殯宮冷落清夜長，銀鴨金龜不堪食。山花冥冥啼子規，
鳥銜紙錢掛花枝。山中遊人莫相笑，君到此中當自知。

古鏡詞 并序

金陵武生於勾曲，野人得古鏡中鏡，李桓先生辨其款製，
燕石上有元康年字，定其爲漢時物。今雖不能灼見其非晉而漢然，
其來之不近則明矣。百鍊青銅，曾照膽千年土，蝕萍花，
壓想得玄宮初閉時。金精夜哭黃鳥悲，魚豎引魂開地府，
夜夜晶光射幽戶。盤龍隱見自有神，神物豈肯長湮淪。
願循蟾蜍騎入月，將與嫦娥照華髮。

遠遊篇

三山六麓背翠水，扶桑東雞鳴上海。日海面玻瓈，紅仙人騎鸞鳳呼我游。
雲中雲中有金闕，謂是天帝宮。明星列兩藩，琪樹光玲瓏。太一坐端門，白髮映青臙。授我玉篆文，赤蛇蟠九虹。出入元化先，壽命齊老童。因逢青鳥

使遂造東王公素女如蓮華歌喉弦管同顧盼動環佩振迅若輕鴻化爲
五色光倏然隨長風

畦桑詞

編竹爲籬更栽刺高門大寫畦桑宇縣官要備六事忙村村巷巷催畦桑
桑畦有增不可減雀備上司來計點新官下馬舊官行脾上却改新官名
君不見舌人樹桑在墻下五十衣帛無凍者今日路旁桑滿畦茅屋苦寒
中夜啼

神祠曲

路旁古廟壁半斜雨滴香案堆泥沙槎牙死樹當道卧樹上紙錢猶未化
春秋祭祀知幾時烏鴉得食競相隨人人歡喜得好蛟低昂拜跪山花飛
寧知禍發在旦夕空村無煙唯瓦礫廟傍烏鴉亦不來獨留土偶眠蒼苔

巴陵女子行

巴陵女子天下奇石作心肝冰作脾生平見義不見已投淚恨殺襄陽兒
臨終裂素寫怨語生氣猶能起風雨君不見虎符繫頸東海檣令人愧死
巴陵女

秦女休行

秦家女兒美且都齒如編貝唇如朱有生不幸遭亂世弱肉強食官無誅
兄朝出門暮不返家人悵望空倚闥女休聞之胆裂奮臂不惜千金軀
援矛一擲白日撼仇血上濺天模糊市人驚譟塵土沸邏卒奔走馳金吾
有心殺人寧惜死顧謂女吏何其愚媿法長姦誰所致舍生得義吾何逋
精誠通天天爲側赦書一夕來宸極路旁觀者咸歎嗟女休出門無喜色
君不見景升本初之子空是男亡家破國令人慙

閩詞二首

戎馬關山隔空閨鬢髮華將何寄消息江樹總無花
剔却燈花藥從教汚翠鈿幾回虛報喜誤妾不成眠

上雲樂

混沌結玄黃開人生其中稱爲三才一人身有一天地形質雖異衆理該
欲淫物誘滋巧偽遂使真淳耗敦玄風頹乃有朝生而暮死者本根淺短
無栽培惟有西天老胡名文康自從盤古到今日不老不少氣體充實如
嬰孩性情和易顏色好恰似初釀葡萄醅激之而不見其怒撓之而不見

其哈甘之而不見其喜苦之而不見其歎所以於物無所忤於人無所猜
於事無所碍於藝無所能不生不死在人世借問老胡何脩得此哉老胡
答言我亦不自解請說伏羲神農皇帝在日一二事不知得失汝自揆伏
羲始畫八八六十有四卦羅天網地括五材老胡不識單與耦謂是烏曹
重疊堆磚坯倉頡制文字鬼母夜哭聲哀哀老胡不識點與畫謂是蝸牛
之淚紫莓苔容成隸首造曆數上收坤靈之精爽下撥乾象之根莖大捩
作甲子編戶星宿來當差老胡不識一二三四五但見暖則出寒則伏一
似蟲豸聽命霜與雷羲和當讓占日月拘束烏飛兔走翼足相排援鬼吏
區占星氣指斥王蓬絮周伯老子無所藏匿其祥災老胡不識金木水火
土但見昊天森列衆光怪太者如缶小者如杯伶倫截竹作律呂中間實
以葭葦灰玄問老鬼二十四俯首受命同輿儻又用子穀秬黍起度量教
得蠢動狡猾而不獸老胡不識輕重長短多與寡但覺饑則食飽則止明
則起暗則臥有力卽往倦卽回軒轅黃帝與岐伯口嘗毒藥一日生死八
九遍皮肉黑瘦生烟煤老胡但見顏色差異卽不喫牙齒牢硬無齒齧九
天玄女說兵法風雲鳥蛇掌上排教人關闔逞雄傑致使阪泉涿鹿之野

它它藉藉撐枯骸爾時衆賢聖尾尾相繼羈轡離肝琢腎鏤心肺傾瀉
精髓通脊胸攘攘擾擾競神知虛名不朽身先賸惟有老胡混沌無孔竅
不與人世分仇儕堯舜相傳授四海玉燭無氛埃老胡隨衆歌擊壤帝力
於我何有哉湯武行放伐鷹化爲雀駒爲駮龍逢被殺夷叔餓何如老胡
終日瞑坐山之隈五伯與七國角力爭喧脛謀臣辨士神出而鬼沒口乾
舌拔斜眼嚼到頭畢竟成就者土墳三尺埋蒿萊老胡萬事皆不理陸陸
坐得四肢百骨如乾柴所以天地鬼神不怪怒容得老胡永遠在世上時
復一出歌笑呈諷諧况遇天子聖德澤浹九垓青雲應呂風應律退方感
化神民懷老胡再拜稽首獻天子壽願天子與天地相似老胡歲歲舞蹈
玉墀下跪進玻璃杯

仙人詞三首

玉府仙人冰雪姿生來卽遣侍瑤池五雲隔斷塵凡路說着人間總不知
上帝宸居儼肅森九關虎豹立峯峯羣龍自有三珠樹不見扶桑水淺深
東海鯨鯢白晝游南溟風浪湧吞舟三山亦在滄波裏自是神仙未解愁

吳歌六首

儂做春花正少年郎做白日在青天白日在天光在地百花誰不願郎憐
蛾眉二八不會愁有色無媒郎不畱月裏蟾蜍推落地幾時再得廣寒遊
栽花圖作看花人誰料花開不及春昨夜狂風今夜雨爲花落得兩眉顰
莫信登天不要梯莫信築雪可成堤五更老鴉樹上叫有人剛道是雞啼
樹頭掛網枉求鰕泥裏無金空撈沙刺漆樹邊栽枸橘幾時開得牡丹花
六月栽禾未是遲死中求活是高基夕陽若有回頭照遮莫黃昏一餉時

采蓮歌

采得紅蓮愛白蓮雙橈快轉怕人先爭知要緊翻成慢菱葉中間絆却船

竹枝歌三首

相思無益莫相思贏得霜髯換黑髭明月自圓還自缺蚌胎瘦減有誰知
榮華未必是榮華園裏甜瓜生苦瓜記得水邊枯楠樹也曾發葉吐鮮花
龍鬣在水虎在山登山入水早防閑別有一般真耐耐蝦蟇生在月中閒

江南曲五首

江北垂楊未爆芽江南水綠萬重花北人盡道江南好江南纔到便爲家
金陵好是帝王州城下秦淮水北流惆悵江南舊花月女兒盡作北歌謳

錢塘勝地作南都。統綺如雲隘。廣途想得燕山。風雪夜斷魂。相語怨西湖。
桃葉渡頭春水。平莫教城上。曉鷺聲中原。無限英雄淚。併入江南送別情。
生長吳儂。不記春鄉音。旋改踏京塵。丫頭小伎相。儂坐衆裏。矜誇是北人。

山鵲鳩三首

黃茅壠上雨。和泥苦竹岡頭日。色低自是行人行。不得莫教空恨鷓鴣啼。
鷓鴣元是嶺南音。嶺北無人識。此禽南人唱歌過嶺去。北人相向淚沾襟。
山禽一處一般聲。不是鄉音便動情。多事江南子規鳥。天津橋上對人鳴。

楊柳枝詞

多事垂楊管送迎。長條折盡短條生。不知幾許東風裏。猶帶輕烟冒晚晴。
宮怨

何處春風拂苑牆。飛花片片入昭陽。多情尚有池邊柳。畱得啼鴛伴日長。

秋懷八首

涼夜悠悠華燈有。細淒風動林明月。在帷山川迢迢。游子無衣。瞻彼原隰。
零露漙漙。靡草不凋。無木不稀。不覩逝波。爲知昨非。亭亭南山。有蕨有薇。
蒨華晚榮。紫芝秋肥。歲云莫矣。胡寧不歸。

陟彼高原望美中陵玄商夕振白露宵零蔚彼茂草化為枯莛我有素琴

玉軫朱繩彈爲陽春旭日滿庭愴恨興懷悲來填膺子期逝矣其誰汝聽

嘒嘒草蟲隱隱其股歲莫如何爾獨良苦瞻望日月綿綿我愁如彼逝矣一往不畱嗟爾小子時不再得匪緝曷魚不藝胡稷蕭蕭草蟲烈烈其音歲莫何爲抵攪我心

中庭有棗纍纍其實零露旣降歲事孔疚循彼階軒有鳴蟋蟀豈其虜發而不粟烈南山峯狝松柏蕭瑟彼蘭斯蕕彼枳斯橘安得羽翼載飛載鳩汎汎八荒以終永日

有燭者螢載飛載揚有倬雲漢載炳其章日月易徂玄夜何長繁思交橫浮念無方慨懷占人中心怛傷離婁冥行歷坎而僵循墻以趨雖瞽不俛猛虎雷咆斑文在床妖狐鬼潛蠢蠢黃黃悠悠多岐蕩蕩周行慎爾馳驅天命有常

夕簾旣清餅水旣寒沿歌臨風憂來多端懸崖而棲瞽以爲安管茅在門蒙以爲蘭黍稷弗膳腐鮑是餐干將掛壁敝履加冠宛其悲矣能不永歎鬱彼晨煙亦曼于楚瑟彼枯楊策策其語良辰幾何亦旣徂暑溥彼郊原

有禾有黍，淒風之興，雁鷺如雨。

今日何日，歲聿其秋。候雁北來，星火西流。懷我故鄉，道阻且脩。俯察淵潛，仰睇天游。孰翺匪爲，孰躍匪虬。瞻望日月，中心如抽。豈無美酒，焉得良儔。矢詩不多，聊以解憂。

有鳥一首贈袁尚志

有鳥有鳥，薄言綴之。君子至止，何以樂之。有酒湑湑，亦盈于觴。明月照帷，清風滿堂。我酒既旨，我儀有秋。言念君子，溫如其日。有鳥有鳥，載好其音。君子之洽，如瑟如琴。有葉有翼，有勸有飭。古訓是式，大猷是力。有粟者璧，瑕則磨之。有紉者絲，色以說之。如彼織維，君子維經。如彼鋒刃，君子爲礪。無爲夸毗，無爲戚施。伊我之債，亦子之瘼。此令朋友，交相爲助。匪中式乎，俾奸作惡。有酒在觴，有琴在堂。酌言鼓之，心焉孔臧。有鳥有鳥，載翔載飛。登弟君子，式昭令儀。余不厭修學，不厭多既酌。以酒復相，以歌。

擢彼喬松

擢彼喬松，在彼丘阿。歲莫淒風，颯爲枯柯。憂來傷心，云如之何。瞻彼昊天，曷其有宜。天降淫德，鋪于下國。稻粱黍稷，賢于螟蟻。不稼不穡，寇攘以食。

哀此下民曷其有極心之憂矣如烹如煎畏亂靡底如淵如泉如彼與草
孔蔓以延嗚呼昊天伊誰之愆有尉者蠶曷施于宇胡晉于林覬彼魴鱣
小人所憚君子所與弗測弗猶曷其有愈君子不畏亂日以熾君子不憂
亂日以悠正言謬諂言諾諾歡言孔怡喪亂所基邦家維車庶民維輿
庶僚緇服大臣維御慎爾驅馳俾險作夷無然沒沒無俾車債無曰予知
民各有思無曰予聖庶民孔競無競維德四方之則無爲回適以縱枉憲
瞻彼高原駉駉其雲胸彼大水浩矣無津嗷嗷飛雁各念爾羣哀我人斯
胡背以淪莫高匪天莫明匪日何纖勿冒何昧勿晰維此聖人庶民是葵
維彼愚人則各有謀原隰之瘁夫婦云之閭巷之呻君子聞之弗聞弗惟
則各有思式詢式晉臍腸以離穀斯之糝農以爲殃匪鷹匪隼曷云能翔
維天有殛不可以航瞻言顧之心焉惻傷相彼茂草飛鳥依之溟彼深淵
魴鯉歸之靡依靡歸胡能勿悲我有隱憂人莫之知中途有棘庶民伐之
執訊弗篤君子望之不曠不聾執填爾聰靡瞻靡顧自貽伊矜如彼沸鼎
無增爾薪無從爾言以迷遠人邇人營營遠人兢兢弗訛爾心曷其有懲
嗟爾君子戒慎爾止靡謙不光靡盈不毀維山有杞維澤有芷庶民所履

維君子使陟彼高原維風颺颺靡草不凋無木不剝憂來傷心如焚如抽
瞻仰昊天曷其有瘳

感懷二十四首

驅車出門去四顧不見人迴風捲落葉颯颯帶沙塵平原曠千里莽莽盡
荆榛繁華能幾何憔悴及茲辰所以芳桂枝不爭桃李春雲林耿幽獨霜
雪空相親

誰云魯酒薄邯鄲被戈矛楚館困兩君乃爲馬與裘舉世共如此太息復
何尤振衣箕山頂引領望許由終然不可見涕淚交膺流

古人盜天地利源不可窮今人盜農夫歲莫山澤空紛紛九衢內連袖如
長虹共笑沮溺鄙各事游冶維悠悠方白此袞袞何時終

啾啾草間雀口隨黃口飛爭先赴稻梁寧顧野人機便便善柔子懷利近
相依但慕春羨好不見秋霜霏驅車逐走鹿中路忘所歸豈不愛其躬天

命與心違古道今已矣感寤空涕歔

柔桑生中國婀娜當陽春下滋靈泉液上承膏露津美人望蠶月傾筐踴
明晨榮盛方及時采將一何頻枯根不盈拱何以禦霜辰復聞芻蕘子磨

鰲待爲新冥觀成感激躡含酸辛

伏枕候明發夢遊滄海中
中有萬斛船蕩漾隨天風
舵師兀昏睡環視立

衆工波濤正洶湧欲往迷
西東寤寐惕驚起魂魄猶忡忡

蘇秦佩六印賓從何縱橫
當時機中婦倩笑遠相迎
黃金生意氣鸞鵠見

人情豈無算瓠士今爲時所輕

種樹當中庭不識美與惡
微陰未盈戶枝葉猶在弱
一朝根柢成延蔓蔽

樓閣離披引刺蚝蒙昧喧
烏雀毀垣施斧斤得喪亦
相若萬事不早謀日

暮徒駭愕

東園多桃李擢除何交加
春秋互通代衰榮競相夸
撼撼去故物英英發

新花花謝葉復作空令人
歎嗟

翡翠翔江湖亡身爲毛羽
不如道旁李尚得滋味苦
驅車上太行還顧望

梁甫高剛多烈風茂林化
爲岵空餘澗底藤蒙籠蔓
煙雨

巽我蓬萊山渺渺大瀛水
神仙有窟宅亦在玄黃裏
大壑多驚風不辨龍

與鯉吹沙乘波出洶若鯨
鯢起陽侯貫深淵海若汨
泥滓馬銜恣饒食罔

象潛譎詭誰能報王母弱
水不可履羲和近虞淵日
暮空已矣

射于生曾崖不識寒澗陰池 照貫安流寧知江海深殷王相版築垂名耀

來今後世重閱田野多呻吟

鰕魚湧姑射月暈滄海風鯨鯢吐高浪白日寒瞳眈神仙下天闕左右翳

玉虹金盤薦麟脯翠蕤擁青童酣歌殷溟徼魚鼈相唵鳴忽然乘雲去舉

落寒江空

朝發會稽山逍遙望南訛禹穴已蕪沒禹功長不磨惆悵感往昔沉吟發

新歇誰言專車骨冠弁高峴峨爲虺且復爾爲蛇當奈何天門隔虎豹空

悲涕滂沱

結髮事遠遊逍遙觀四方天地一何闊山川杳茫茫衆鳥各自飛喬木空

蒼涼登高見萬里懷古使心傷竹立望浮雲安得凌風翔

芳樹生丹崖綠葉如雲烟上枝蔽光景下根蟠九泉朝涼聒衆鳥夕陰萃

鳴蟬豈不盛容色及此陽春年西風吹白露點綴庭堦前繁華坐銷歇枝

葉空相捐世情多反覆天道有推遷金屋擅嬌寵長門閉神仙獻賦亦

晚徒悲淚如泉

我有綠綺琴其材出空桑金徽映玉軫音韻瑯琳瑯上絃感薰風下絃來

鳳皇世耳不欲聞子期今則亡願持獻重華路阻川無梁

孟軻去齊魏賈誼之長沙聖賢良已矣吾道空咨嗟徒言青松枝不如桃

李花太息安陵子知時爲世誇

客有持六經翩翩西入秦衣冠獨異狀談舌空輪困獻納竟何補焚坑禍

誰因昂昂採芝士矯矯蹈海人龍驤九淵外豈復嘆獲麟

白璧闕頑礪淪晦同泥沙朽壤生夜光見者咸驚嗟君子分寂寞小人互

矜誇枯瘁若秋蓬鮮豔如春華狂風忽簸蕩飄落歸誰家

象以齒自伐馬以能受羈猛虎恃強力而不衛其皮世人任巧智天道善

盈虧不見瑤臺死永爲天下嗤

晨登吳山上四望長歎嗟借問胡嘆嗟狹路險且邪子胥竭忠諫快目爲

夫差宰語善逢迎越刃復相加守正累則多從人禍亦奢遭逢貴明良不

爾俱泥沙

壺公下天闕聊以觀世紛賣藥汝南市時人俱不聞顧此非我徒飄然乘

白雲方駕雙虬龍被服九霞文但見北邙阪岩壑盡高墳

種苗甫田中其葉何離離上天降高澤溥博無偏私人力苟不至不如茅

與茨常恐嘉實晚坐傷零露滋徘徊感節序太息秋風時

詠史二十一首

凱風扇朱夏草木生清涼時疾滌幽曠白日悠且長散帙觀古人喟焉想
虞唐陽春能幾何陰氣多繁霜天道諒悠悠人理亦茫茫詠歌寄深情歌
罷增慨慷

神樞斡元化循環運陰陽善惡隨氣異禍福竟何常朱均繼堯舜時事已
搶攘至人妙轉移龜臆回鼎光祥麟踏大野君子徒慨慷黃星照中原天
道遂披猖汗漫千百年流潦浩滂滂否泰有傾覆霖雨見朝陽惜無風與
牧乘時佐羲皇熙熙返大樸濟濟垂衣裳鼎湖去不復歎息空哀傷

野馬不參食鹽受組與羈低頭衡軌下各自東西馳秦人任法令斬艾尊
君師六合始一家恩愛已乖離一日山東客揭竿以爲旗叫呼驪山徒天
下響應之素車拜輒道誰復爲嗟矣

周昌勇延諍子房善奇謀王陵抗高議平勃終安劉經權兩不廢道立知
亦周煌煌東都士節義明清秋孰知議佞巧舉足觸戈矛顧此悲世運滋
然涕交流

食毒偶不死謂言草可餐墮河偶不溺謂是天所完侈心不自顧利欲紛
多端百勝困一蹟名滅軀體殘君子戒微幸小人樂災患不見瑤與羽千
載遺悲酸

燕昭志報復金臺求俊賢下齊如破竹大脫雪九泉六王死灰人安可與
比肩奈何驕氣盈妄想彼神仙安期不可致卽墨火已然煌煌召公業委
棄如浮煙

天狗吹梁野七雄扇妖氛吳徒二十萬劉若狼虎羣鼓行破棘壁長驅似
輕雲漢將三十六朱旗耀大垠救梁不泰詔太尉真將軍遂令千載下知
人稱孝文哀哉漳關戰百萬徒紛紜

平居觀羣物紛紛爭朵頤口舌不能勝兵戈遂相隨古來豪傑士于今安
所之大運一朝至孰分賢與蚩所以四老人去采商山芝清風扇六合百
世眞吾師

景公返雀煖晏子稱其仁鰥寡既有室長年不負薪焉知于玉節遺禍速
天倫推恩限目見太息此君臣
田橫不事漢刎頸送咸陽一客旣穿冢島中皆自戕雖非中庸道要亦有

耿光英雄久淪沒，
世俗但炎涼。嗟嗟翟廷尉，
慷慨令人傷。

吾聞共工臺，乃在崑崙北。
長蛇戴九頭，利吻錯戈戟。
咄呀恣啖食，抵厥成溪澤。
嗚呼三仞沮，可以警貪得。

四七續炎運，漸臺熾征。
新建侯首褒，德拳拳念生民。
富春有遺老，終竟不爲臣。
遂令節義士，視身若埃塵。
前車屢折軸，後駕無廻輪。
不有銅黨禁，何由起黃巾。
爲邦貴知本，明主宜書紳。

建光悼祖德，封爵建闡豎。
忠良坐茶毒，憤涕盈道路。
南巡旣不返，投窟寧久固。
功成千九侯，事已非細故。
泥關用骨鯁，乃以浮陽疏。
中官既世襲，山陽更嬌妬。
時事亦可知，君子獨未寤。
美哉吳長史，衡門掩秋露。

當途亂天紀，赤帝懸空名。
寧知碎椽日，禍機已潛萌。
晉主念私勞，荀馮巧相迎。
撫床竟不寤，骨肉成鯨鯢。
好還實大道，徂詐徒人情。

香餌獲死魚，重賞致死士。
自古以爲訓，世俗寧知此。
陳湯困刀筆，壯夫皆切齒。
如何中興主，終竟惑蕙苾。

隋帝易廣勇，天命以不長。
唐宗昧治恪，本支竟摧戕。
聖人有達節，變通亦何常。
禹湯不同跡，萬古皆明王。

永嘉昔潰亂南渡馳五馬長江畫天塹九廟扇灰地豈無運甓人亦有誓
江者皆池不揚波靈物棲曠野哀哀黍離淚空向新亭灑

華門翳蓬蒿窮巷絕馬跡中有抱膝人疏櫺不充食榮華過浮埃敝服無
愠色獻玉鄙方和扣角羞甯戚天潢不垂雲中夜起歎息

吾愛閔仲叔幽居翳蒹茨應辟思濟世利祿豈其私進當致堯舜退則老
蒿藜焉能犬馬豢以爲天下嗤

美人皎如玉挾瑟升高堂冷泠向長風操作孤鳳凰曲度未終竟玄雲蔽
穹蒼走獸駭赴林飛鳥號且翔高山與流水日暮空淒涼

夫差卧薪日勾踐嘗膽時人生各有志況乃身踐之寧知姑蘇鹿已與西
施期空令千載下痛恨於鴟夷

遊仙九首

日月如過翼瞬息春已秋何不學神仙縹緲凌虛游雷霆以爲輿虹蜺以
爲輶清晨登開風薄暮宿不周長嘯會城巔濯足翠水流俯視八極內擾
擾飛蜉蝣

今日何不樂振策登高山深林仰無見藤蔓陰以繁黽鼃繞樹啼黃鸝空

飛翻攬轡向西北思欲赴崑崙瓊樓十二重豹虎夾陛闈青鳥去何之誰
向王母言徘徊歲華晚感激生愁怨

岐陽隱孤鳳寰海騰蛟蛇不食松柏實而采日及花翩翩柱下史望望之

流沙麻姑何爲者乃降蔡經家神龍集沔澤取笑於魚鰕

費生市井兒未嘗識神仙偶然壺中去謂是別有天幻化且不解真語安

能傳那將食色身妄弄刑賞權果然失符後衆鬼不見憐

天高河漢清露白秋宵永朝華炫紅芳螭蛄爭馳景繁思靡志帥內疚積

心梗涉江無方舟汲井悲短綆歲暮霜雪寒泣涕沾項領

秦皇煽虐燄烈烈燔九州平原曠如赭鴻鵠安所投所以避世士慨想乘

桴浮樓船載偃子去作汗漫游何必蓬萊山遠人卽瀛洲虎視徒逐逐竟

死於沙丘

娟娟姮娥女灼灼芙蓉姿一入月宮去千秋閉蛾眉涼風清玉除碧雲生

桂枝鳳歌不可聽長夜有餘悲

晨登女床山西北望崑崙樓臺似霄漢金碧氣魂素女三千人灼若扶

桑嫩鸞笙引鳳舞雲旆隨霓旛老童發清歌昌容戲紫鶴神荼獻丹桃洪

崖開玉尊蜚廉漫崔嵬建章空千門

大道久已晦誰能識仙真如何賣藥翁怪語驚市人日月空明照朝菌非
大椿已矣復何道去去生愁辛

感寓六首

暑退生夕涼寒衣步微月風來竹陰動草暗螢光發竹立忽懷人江河渺
難越

庭前金鳳花向晚爭媚嫵但見白露滋豈知繁霜苦芳時良可惜此物何
足數

白露下木葉淒涼江海秋江臯有鳴雁嗷嗷安所求稻梁日蕭索風雨徒
離憂

一日復一夕一夕復一朝青燈向暗壁光燄坐自消羸鷹鍛六翮絕意於
雲霄

嚴霜隕異草蛇虺去所依可惜蕙蘭花與之共頹萎顧此悲世運泫然涕
交頤

淒淒素秋霜苒苒高原草運窮相值遇黝顏就枯槁浩歎采薇歌慚愧面

山老

招隱五首

浮景無根株逝川不可留昨日落草春今朝蓬梗秋
庶食豈不美甌毒潯
戈矛垂軒豈不貴長路能摧輶子胥棄吳江屈原赴湘流韓彭竟道隘蕭
樊亦累囚何如張子房脫屣萬戶侯深韜黃石略去從赤松游

秦皇火六籍黃綺之商山漢帝握乾符羊裘竟不還古來遊世士冥心丘
壑間於時苟無用安事空摧顏石泉清以芳白雲寒更閑春蔬雜甘辛秋
果羅青殷濁酒晚自酌柴扉畫恒關嘯歌陟崇岡濯足臨潺湲金馬我何
榮羊腸我何艱鴻鵠翔九霄邈然不可攀

豫章長千仞挺生崇崖陰布葉連青雲交柯蔽曾岑結根豈不固斤斧將
見尋有栢生石間屈曲叢灌林古根鬻飛瀋電火焚中心大不中梁柱小
不堪瑟琴風霜自搖落假寒猶至今

流水千百折白雲三四峯上有噴壑泉下有凌霜松中有一老人坐嘯巖
間風素髮垂兩肩朱顏映青瞳年紀將百齡容貌如孩童長跪前致辭子
非列仙翁笑謂汝孺子語汝使心通我生不偶俗遺身在蒿蓬結廬白水

邊采藥青林中世語我不接世士我不逢
簞瓢我不憂軒蓋我不崇自耕足我食
自息安我躬冥冥絕思慮默默全和冲
持此攝吾生仰荷元化功何必挿羽翰
遠逐浮丘公再拜受斯言廓然如發蒙
投簪謝知己一去無回蹤

有客歎我廬身披紫雲袍鳴騶烈烈後從者皆俊髦
坐我蓬華下向我談伊臯手斡北斗魁足踏東海鼇
高視六合內泰山等毫毛揮袂起謝客且還飲我醪
醉臥不知曉衡門寒蓬蒿

列朝詩集

甲集前編第一終

列朝詩集

甲集前編卷二

劉誠意基

復說集古詩一百十八首

雜詩三十三首

小魚頭如針大魚鬚如松小大各生育孰私天地功坤靈發淫怒溟海簸
驚風大魚食小魚陂池爲之空陂空水一竭小大相險喙但見灌莽間
骨成崆嶲殘膏馱螻蟻孰辨鯨與鯨

饑婦厭貧夫常懷相棄心慨慕東家子年少多黃金輕身改西託布被爛
錦衾寧憶秋風起霜露棲繁林葉落枝亦盡愁聞蜻蛚吟

雲月雖不明精魄固長在飛蛾亦何知乘時妬光彩天高多飄風煙霧中
靈黠紛紛墮高棘終竟爲何罪

人生如浮雲飄搖無根蒂昨暮青山阿今朝滄海濫風波無定時淪蹟難
爲計是中苟不爽曷問耿與翳申胥存楚國仲連却秦帝此士雖則亡英
名千萬世

渴人常夢飲饑人常夢餐中宵駢旅夢兩臂生羽翰騰身入紫青吹面天

風寒驚覺鬢毛髮感我深滋潤

吾觀神龍變天地爲晦冥龍成宰元化嘉澤決四溟出山不飄風入水無
雷霆枯萎仰沾溉沃若生葱青豈比蜈與輪裂石摧嶽陁俾民舉疾首撫
神蹙蒼頭

鷹本是鷲鳥爪利翮勁疾胡爲化爲鳩鈍拙無與匹棲遲荆棘間粒啄營
口實暮啼墻角雨朝啼屋頭日昔爲衆鳥畏今爲衆鳥啞運命若不常孰
爲金石質

愚公志移山精衛思填海山高海茫茫心事金石在松栢冒雪霜秀色終
不改春陽熙幽林卓立有光彩

急雨漲潢潦溝池成五湖青蛙與耿脰得意鳴相呼自謂樂無似至足不
求蓬萊有玄鶴曾見東海枯清夜唳長風哀音繞天衢使我起太息黑
鬢變霜鬚

惟豺知祭獸獺亦知祭魚豺獺有報本人道當何如華堂飫玉食盜賊塞
中塗那能不自媿而以耀庸愚吁嗟千載下枯骨空專車

雷藏蟄蟲伏雷動蟄蟲起蟲雷不相期冥契非人使英雄應有時何異類

致蟻神劍無風胡銅花蝕泥滓

陰崖有喬樹乾鵲巢其二顛朝食葉上露暮食葉下蟬巢成長衆雛鳴飛一何嫻但願本根固風雨得安眠如何就搖落而不抱悄悄

蒼蠅眼晝明蚊蟲眼夜明明眼利口觜晝夜無時停拍死紛籍籍飛來更營營一旦霜風起稜威肅天刑飛者不復飛鳴者不復鳴雖有太陽光不能煦其生乃知天勝人智力徒鬪爭

豺狼食人肉蚊蟲食人血食肉死須臾食血死不輟哀哀露筋女肉盡惟皮骨誰謂蚊蟲微積繡能銷鐵

蟲母羽蟲孽與人無怨尤胡爲含毒害吐蚊吼如牛紛紛散草澤解解森戈矛無辜受螫蟲皮破腥血流覆巢或有令未應後鴟

黃鷹食鳥雀山雉食蟲豸蜂食花上蜜蝦食苔間滓免食茅草根鳳食梧桐子所嗜由性成易之則皆死冥觀付一笑誰與窮茲理

魯陽仰揮戈羲和爲紆轡耿恭俯拜井湧液出荒地精誠所感格高厚靡不至人生亦良難如何殄其類蓬蒿滿六合慚愧真宰意

在昔信陵君謙勞實弘度好士天下稀賓客遠傾慕救趙奪兵符掃清邯

鄧霧歸來存大梁秦甲誓東顧魏王木偶人朽心自成蠹謔言一以入危
石不可據日落西河陰歌鐘怨零露

天鷓巢蒿艸形軀纖且微不知懷何事直上聞天扉啾啾終日鳴天聽不
可希鍛羽口吻裂落日空悲歸

雄死爲從雌鷓死爲鬪力蜜蜂死喪憤鳴鳩死求食象犀好齒角玃豹美
毛色紛紛死相藉殺身奉華飾自取夫豈過外至良可惻徂貌合族烹梟
賜宜卵殪山林久穢蒼誰復繼禹益

娼俗甘胸臆比之芻牛腹殷勤奉賓客自謂敬有餘鷓嚇雖異貫亦惑誰
能祛霾陰蔽玄象清渭混汗渠誰能繼夏后再分龍與魚

大星出西方睽睽如明月兒童驚指示草木見毫髮夜久斗柄迴人靜涼
風發徙倚步中庭空烟散成雪

楚人將適蜀揚帆信江水江闊多西風帆逸行不止日暮入海濤極目無
涯大京負次高浪咆折橋竿圯頓足空號呼壑波千萬里

冲霄難爲羽泛海難爲舟縛羊駕我輅猛志空悠悠農時失耕耨何以望
有秋决藩盜菽粟鷹隼不如鳩韶華不我與去若川水流歲莫獨彷徨凜

稟懷百憂

爰居避風翔豈異柔牲祀臧孫強自用取笑於君子拾蟲養鳳凰將以爲觀美徒令羣翟畏長逝深林裏

桓溫一老兵豈識捫蝨士擁衆臨上流竟作跋扈鬼符堅氏羌堅何能作天子耽耽視中原爲有景略耳知人聖難之求賢在虛已袁曹豈力敵生死一彈指惆悵後來人慷慨前車軌

英英木槿花振振蜉蝣羽乘彼三秋露及此六月雨容好能幾時生成亦良苦十年構阿房一日化爲土染鬚作童顏於身竟何補不如順天命保已良多祐

天地若大甕萬物生其腹人猶腹中蟲蠢蠢隨化育鑽攻無時休臆腑爲翻覆帝青調元氣豈不畏戎毒皓然命滌蕩汗下兼湧衄蚩蚩自狂狎滄沸交殺戮何當瞑眩定風止木歸濱鑄鐵作鋤犁春耕待秋熟

二儀播元氣晝夜靡停機有生卽有死化工亦何私彼狂牽所欲冥行失康途無航思利涉發此百禍機賊人還自賊擾擾竟何爲

郭南有窮夫黃髮對老妻見人抱兒女仰面看天啼郭北有宕子鮮服明

春閨累累倚門親疏茹之菹醢盛年興欣戚薄暮空噬臍達生真知命胡
爲苦悲懷咬咬水中鳧谷谷墻下雞良無返哺空乳菀何棲棲冥目思此
理惆悵中自迷

老眼昧昏夜見螢以爲燈燈螢何足辨所悲老且膏膏老復何用甘心就
無能逍遙麋鹿願所得良已弘

海鯨乘扶搖激水騰九曼退潮觸泥沙顛骨空嶙峋猛虎掉尾行飲血不
滿唇跳哮逞雄攫係首八尺緝賦命雖在天成之亦由人嗟嗟燈上蛾亦
豈厭其身

夷齊值明時餓死西山陽四老生亂世采芝以徜徉李業過公孫欲蓋反
受殃嚴陵辭故人高古清名揚也實有命君子順其常漫漫雲間鳥冥
冥隨風翔海宇豈不寬六翻有短長浩歌向日月曲盡意茫茫

種藎香

懷香體虛柔本自南土出毛茸散纖葉旖旎怯朝日芳菲挺衆卉辛美更
無匹况能已疝痿兼理腸胃以種之近庭階離階看新茁驅童斬竹枝扶
植待秋實常恐風雨惡摧折以弱質疾藜生道傍延蔓何綿密豈無荷鋤

人夕薙且已出上天意何如感嘆靡終畢松柏多斧斤山林日蕭瑟

北上感懷

倦鳥思一枝攬馬志千里營營勞生心出入靡定止伊余朽鈍材懶拙更無比才疎乏世用嗜僻惟書史雖非濟時具頗識素餐恥既懷黎民憂安意古人企寧知乖圓方舉足輒傷趾塵埃百病侵貧窶萬感累艱難幸息肩遲莫竊所喜明時登驥駑驚馬但垂耳自非冀北姿莫羨追風駿便欲解衣冠躬耕向桑梓終懷葵藿戀不慕沮溺詭潛陽動原隰白日曖蘭芷疇難或晨明客子駕行李縈紆越嶽嶠浩蕩涉風水淹留具區止信宿滄江圯雜時連年歉道路多流徙官司職撫字黔首皆赤子陳紅太倉米豐年所儲貯爲民備乏困朝廷豈私此推餘補不足茲實王政始臣子宜奉承天威不違恩奈何簿書曹暴慢蔑至理苟云出納各當閔轂舛死嗚呼草莽露慘惻溝瀆委聞之猶鼻酸見者宜頽泚踰淮入大河淒涼更難視黃沙渺茫茫白骨積荒蕪哀哉耕食塲盡作狐兔壘太平戢干戈景物未應爾意者斯人徒縱欲擾天紀鬼神赫震怒咎戾良有以去年人食人不識弟與姊至今盜賊輩嘯聚如蜂蟻長戈耀白雪健馬突封豕豈惟橫山

澤已敢剽城市途行絕稀少空車但墻倚身行須結集一寐四五起牧民
豈無人司寇亦有氏陣車不驅馳大田無耒耜邦家祿食恩豈爲臣奉已
山東古夏地燕趙猶唇齒况茲南北衝津梁通遠邇屬當全盛時四海同
一軌廟堂多稷契振舉無遺施勿云疥癬微不足成瘡疖滔天起濫觴炎
鬪發星烜虞朝有分北漢庭煩直指農夫植嘉穀所務誅穰秕耕耘苟失
時雨露空沾灑威懷豈異任守令職非痺端能輿黜陟此輩何足弭故鄉
隔山川前途寒荆枳青徐氣蕭索河濟俱泥滓痛哭賈生狂長歎漆室煙
何當天門開清問速下里

過東昌有感

夜發高唐灣旦及東昌郭喬樹拂疎星霜飛月將落仰觀天宇清平見原
野廓白楊號悲風蔓艸香漠漠但見荆棘叢白骨騎寒籜聖道懸日月斯
人非虺蜮教養旣迷方欲熾性乃鑿展季骨已朽清風散藜藿絃歌滅遺
音爾絲盡籠絡鴟嘯颺懸憑蚤蟲鳴艸蟲躍遂令一變姿化爲跖與躄况聞
太行東水旱荐爲虐饑氓與暴客表裏相倚着賑卹付羣吏所務惟刻削
征討之良謀乃反恣剽掠坐令參苓劑翻成毒腸藥今年秋租登行止稍

有託餘波尚披挹，未敢開一噓。但恐習俗成何由，返初昨藩宜有重寄。胡不慎遠略往者諒難追來者猶可作歌詩附里謠大猷希聖莫

晨詣祥符寺

上馬雞始鳴入寺鐘未歇草際起微風林端淡斜月僧房湛幽寂假寐待明發松徑斷無人經聲在清越

發安仁驛

雞鳴發山驛天黑路彌險烟樹出猿聲風枝落螢點江秋氣轉炎嶂濕雲難斂竹立山雨來客愁紛冉冉

初食檳榔

檳榔紅白文包以青扶留驛吏勸我食可已瘴癘憂初驚刺生頰漸若戟在喉紛紛花滿眼岑岑暈蒙頭將疑誤腊毒復想致無由稍稍熱上面脛汗如珠流清涼徹肺腑想穢無纖留信知殷玉語眠眩疾乃瘳三復增永歎書之遺朋儔

早發建寧至興田驛

雞鳴戒晨裝上馬見初日露滋葉尚俯霧重山未出客途得霽景緩步非

蘇東坡詩集甲前二
五
縱佚矧茲歲有秋高下俱頽粟牛羊散原野鵝鴨滿阡術懷抱既夷曠神情自清謐寒花蔓籬落候蟲響蒙密霞標青楓林雪綻烏柏實幽覽雖云遠佳趣領已悉我行固無期况乃塵事畢

題朱孟章虞學士送別圖後

秋郊一杯酒握手念將離落日照野水涼風生樹枝今朝重相憶青山如舊時鬢毛非松領爭得不成絲

在永嘉作

高屋集飛雨蕭條生早寒我來復幾時明月缺已團浮雲蔽青山山川杳漫漫狐狸嘯悲風鯨鯢噴重瀾孤雁號兩飛音聲悽以酸顧瞻望桑梓慷慨起長歎願欲凌風翔惜哉無羽翰中夜百感生展轉不遑安枯荷響西池槁葉鳴林端寥寥天宁空冉冉時節闌舉俗愛文身誰識韋甫冠河流未到海平陸皆驚湍旗幟滿山澤嗚呼行路難

癸巳正月在杭州作二首

徘徊西湖上愴恨有所思所思不可見涕淚下沾衣死生一瞬息逝者安可追狼曠信君子李陵非男兒

礮鐵當用椎析薪當用斧拔藜而植荼
與虎微微螻蟻忱鬱鬱不得吐

去辛還得苦峨峨九陽門衛以豹

登卧龍山寫懷二十八韻

暮春時雨餘原野皆秀色流雲曖芳甸
患風暢輕翼公館倦低垂崇岡緬
登陟山川糾紛錯疆畷互紆直淒涼神
出穴偪仄句踐國玉簡闕玄緘銅
乍啓雄德霸氣浩江河王風散荆棘感
今情軫鬱懷古心愴惻東溟尚波
濤中原未耕織無能事蕭曹妄意追
搜寒產魂屢遷遷遲遲足猶側良辰
復幾何白日忽中沃周流睨圓方俯仰
觀動植有水必趨東無星不拱北
宗社固神靈至尊實恭默殷土伐鬼方
向期三年克苗頑負險阻終竟膺
竄極天戈向無前况乃誅鬼蜮竊聞海
濱民決背疾狂慝荷受思一奮所
懼官未識朝廷鑿往轍中自誅貪復主
將教書詩志士願盡力諸公總英
俊矯矯百夫特愚生諒疎拙于慮與一
得農人奉壺漿遲爾珍蠹賊米薇
戒懷歸伐檀慙素食白雲在青天可望
不可卽浩歌梁甫吟憂來憑胸臆

贈柯遂卿首并序

今年夏四月余至台聞柯遂卿抗言釋

誣囚事甚異而偉之夫天下之大

豈無慷慨激烈之士見義而勇爲之者哉其作也非有私其進也非有求
觸于其心形于其言發于其言信于其事可不謂之大丈夫哉惜其晦而
弗彰也於是乎爲之詩曰

雷霆螫神威妖蜃躡海濱將軍戰敗死主帳空無人腥涎之所被蛭蟻皆
蛇鱗大弧不張弦民情曷由申縣購亦令典奉行在明仁誰令姦宄徒並
緣逞頑窟俄然商髮軀化作豺狼身割金旣無畏沉復枉平民壯哉柯夫
子義氣衝九旻曳裾公府門抗論回星辰坐令霜雪間朽骨生陽春睨視
夸毗兒精魂散飛塵我忽耳聞之肝膽張輪囷安得似卿輩落落千百人
出應休明時翊贊臯陶臣旌別鷲與梟再使權衡均上天意茫茫感歎空
悲辛

贈周宗道六十四韻

天弓撥其弦平地躍虎狼腥風扇九澤濁霧干太陽瑣瑣蚊與蟲亦沸如
蠅螿帝關隔蓬萊弱水不可航螻蟻有微忱抑寒無由揚遙遙草茅臣怒
切忠憤腸披衣款軍門披腹陳否臧曰走居海隅詩書傳世芳感荷帝王
恩祿食厠朝行走身非已軀安得緘其肮走有目擊事敢布之廟堂永嘉

浙名郡有州曰平陽面海負山林實維甌閩疆閩寇不到甌倚茲爲保障
官司職防虞當念懷善良用民作手足愛撫勿害傷所以獲衆心卽此是
仞墻奈何縱毒淫反肆其貪攘破廩取菽粟夷垣劫牛羊朝出繫空囊暮
歸荷豐囊丁男跳上山妻女不得將稍或違所求便以賊見戕負屈無處
訴哀號動穹蒼斬木爲戈矛染紅作巾裳鳴鑼撼巖谷聚衆守村鄉官司
大驚怕棄鼓撤旗鎗竄伏草莽間股慄面玄黃窺伺不見人喘汗走倭倭
可中得火伴約束歸營場順遂劫寡弱又各夸身彊將吏悉有獻歡喜賜
酒餼殺賊不計數從橫書薦章民情大不甘怨氣結腎腸遂令父子恩化
作蠶與蝗恨不斬官頭剔骨取肉嘗纍纍野田中拜泣禱天皇願得賢宰
相飛棧表巖廊先封尚方劔按法誅姦賊擇用忠蓋臣俾之提紀綱鬱弧
落鷓梟雞棘出鳳凰尚可存子遺耕稼納官倉失今不早計如水決隄防
而後事堙穰勞費何可當走聞疽初生灼艾最爲良焮成施剗割所憂動
膏盲邊戎大重寄得人則金湯壘遂到渤海盜賊還農桑張網入廣陵健
兒跪如羊苟能任仁智勿使儉邪妨孟門雖險艱可使成康莊走非慕爵
賞自鬻米薦揚痛惜休明時消息無其方又不忍鄉里鞠爲狐兔塲陳詞

未及終涕泣下滂滂翦觀髮上指側聽心中傷天路阻且脩不得羽翼翔
可憐涸轍魚待汲西江長況有蛟與虬磨牙塞川梁旄丘靡與同載馳徒
慨慷嚴冬積玄陰天色慘以涼衆鳥各自飛孤鸞獨徬徨冥冥雁山雲木
葉殷清霜子去慎所過我亦行歸藏

遣懷

鴻鵠會高風拂翼凌雲霓蛟龍不得水葺鱗困塗泥惟昔望諸君一戰舉
疆齊秦穆伯西戎能用百里奚傅說築商巖太公釣磻溪韓信寄食飲孔
明躬耕犁立賢苟無方曷問驚與駑駘車上太行峻極不可躋重雲蔽層
岑流潦絕荒蹊豺狼當我嗥魑魅向我啼顧瞻望九州欲去惑東西嘉穀
委蔓草良田養蒿藜乘黃避跛龜狐貉騎虎貌誰言縱壑魚竟爲鱗藩
長夜起嘯嘆邪氣憑我臍夢登舜蒼梧遙望禹會稽援琴奏將歸日暮增
慄悽盲颯正滄勃孤鳳將安棲

四月二十二日郊外游得水字

草根螻蝸鳴湖上蒹葭靡繁林溺深綠清池散圓紫離居昧節序陶情賴
佳士泛舟出郊甸緩步信所履壺觴展倡酬及此晴日美嘯歌望山川慄

慨集悲喜豺狼未鼎鑊郊野尚多蠱鐵衣掛儒冠好爵速麻屨吾儕幸味
苦得似道旁李無思身外憂適意聊復爾歸雲入禹穴返照射苑委鳥啼
樹有風帆過烟生水興盡各言還月明城角起

遣興二首

積雨兼數旬天氣涼有餘青苔交戶庭始覺人跡疎地主多閒園可以種
我蔬兒童四五人芟艸相與鋤既倦則歸休卧闕床上書無事且爲樂何
者爲名譽

迂疎乏世用矯情非所安投簪謝時輩聊得心中寬回首望故鄉枳棘日
以繁譬彼水上萍隨流且盤桓樓頭好山色晴雨皆可觀未知明朝事且
盡今日歡

久雨壞牆園蔬盡壓悵然成詩

晚歲通豺狼漂搖去鄉土囊囊罄萬儲釜甑恒苦窳開畦種蔬菜撥借荷
地主晨興率童稚樹藝躬儂僂瓠實正纍離茄花亦爭吐魚肉方絕艾特
此富醞脯悲風吹江干浩蕩十日雨幽泉湧陰實高塘拆修堵蒼蔓壓泥
沙朱苞埋宿莽淒涼紫芝英乃與朝菌腐數竒值時危一飽不敢取况

有窮愁每望貧家聚青苔滿頰墻日暮空倚柱

次韻和脫因宗道感興二首

松柏守孤直不爭桃李色明星在青天有時化爲石春風車馬塵竟日翳
紫陌寧知禾黍地舊是王侯宅蓬萊有仙藥求之不可得霜風吹林木歲
暮徒淪側

鈐刀方用世掛壁于將閒剪松養荆棘匠石空悲酸驅車陟太行日暮多
險艱玄木膠大谷脫粟貴琅玕魑魅攬人魂豺狼食人肝路遠無羽翼何
由得飛還

渡江遺懷

東風吹滄江白日照花柳山川半顯晦積雨晞水久青陽好氣候羣物競
苞剖農夫荷鋤犁各自登隴畝鳴鳩鳴相應陂水光瀏瀏天地起戈兵荆
榛塞原阜茲邦特按堵庶足憩奔走故鄉有園田委棄沒藜莠老母年八
十頭童齒牙朽癡兒始垂髻出入寡朋友衣衾雜絮毳羹食乏松菲饑然
多病身全家倚糊口那令更遠去憂念成疾首千金聘宿瘤顧謂西施醜
鹽車摧太行驂駟不如狗況我鷲蹇質困踣畏培塿濟河須巨舫將焉用

巽缶朱絃組琴瑟曷中洪鐘紐刻膏射犀革空胎養由谷窺窺神祖烈乾
坤讓高厚螽茲蛇豕儻乘間恣哮吼非無熊羆臣士產分左右更張吾豈
能習慣彼已狂鹿麋曾傷虎背邁罽狐寤言亂心緒忽若醉醇酒疎賤
等蚍蜉捐軀復何有夷吾匪每生鞠育未宜負怡恨憶松楸淚濕蓬鬢垢
道途正艱阻進退維窞白向風一陳情何由達南斗

若耶溪杏郭深居精舍

上人好山居人山惟恐淺紆餘涉淵沚結構依岷嶮獰罔巒外挺拔水木終
隱顯其前對鵝鼻突兀正冠冕其傍連木禾積翠森偃蹇後有獅子巖蒼
翠露巖巒春花炫陽林秋草馥陰岫高通雲雨過側見星斗轉桃源不遠
求真穎安足踐我來三伏涼襟懷忽如展談經遠心融聽法俗慮翦疎窓
夜深啓孤月掛遙峴空濛白毫光閃鑠動崖巖何當此卜隣永用辭澆酒

大熱遣懷

盛夏火用事長日不可堪熱汗發我膚如泉溢穹嶽清晨登樓望四野皆
紅嵐坡坳會稽山縹緲浮鬱藍何由作雨澤一洗暘與酣須臾玻瓈盤湧
出琉璃潭雜氣若絳旂飄飄散空吟朱光熒九幽天氣痛以給樹木首咸

俯鳥獸聲盡銷玄冥將禹疆側身入壑龕淵蛇葺短鱗山龜灼枯臄悍熊
伏朝貽困龍縮秋蠶焦根裂植斷斃鷓蚌脯舍水井爲湯池冷容成病頽
渡水翅帖帖守門口研研蛎蛸輕綃翼依陰萃楓杵沸渭泊靜寂噪聒亂
語談蒼蠅丹砂頭羣飛逐烹脂拍之適汚手驅之死仍耽對食憚下肱引
飲輒傾獻撫几炎欲燎披衣重猶雨慨彼征戍卒荷戟忘寢餐棄絕骨肉
愛不得同苦甘但聞盜賊熾未見王師戡郊原虜掠遍餽餉那能單況乃
隆暑節蒸鬱非所諳用兵貴拙速將帥當懷愍沈冥及暮鼓兩目脂流泫
拂袖招遠風衆星爛天南河漢上昭回烟霞遠驚鬣且喜辰極明願覩戎
馬倏雲門連鏡湖林壑清且涵豈惟陶埃埜庶足憩負擔惜無五畝宅偃
蹇投吾簪

題雜畫卷子

山川出雲霓谿谷藏虎豹枯樹繒綾身怪石硯鼻貌竹枝如琅玕烟雨昏
暮暈梅花雪中開的礫珠磊砢蘭獨稱國香姱麗最可樂萸纈草堪籍傷
單棘能抓宋公學元暉駭獸見騰鮪老班性嗜酒藻思發餘醪丹丘泣龍
鬚零落江湖懼顛王食收筆得米動盈甕僧明本靜者一藝起衆鬧展卷

見歷歷聊足解喧嗃裁詩慕韓豪瑣細非所較

題趙文敏公畫松

吳興昔王孫能畫世莫及觀其二松圖矯若龍出蟄蟠根破坤輿拔萃滄
原隰膠加各軒翥削男相倚立罨鱗襟空青豕鬣振颯颯高藏日月氣清
滴雲霧汁垂釣者何人短棹非安集五湖多風濤蛟蜃頭角鱗不如洿澤
間取足鱗與鰓倦眠松影下百竅清涼入慎勿驚松枝天寒衣袂濕

感時述事十首

天王有萬國撫治不能徧百僚分所司控制倚方面句宜貴浹洽付託屬
隆眷易置苟無恒勤怠朝夕變自非穀氏儔何官匪郵傳矧茲世多故軍
府希聞宴戎機一以失蟻穴憤臺殿公庭委舊事書牘呈新選來者且遲
遲在者同秋燕偷安待日至退託從私便姦貪遂乘隙民病孰與信大臣
國柱石憂喜相連纏反躬既遺闕何以率州縣寄與嬰津人有舌未宜嚙
十羊煩九牧自古貽笑嗤任賢苟不貳焉用多人爲師行仰供給州縣方
告疲差徭逮所歷添官有權宜奈何乘此勢爭先植其私百司並效尤貨
賄從橫飛列坐監公堂號令紛披離名稱到輿隸混雜無尊卑正官反差

出道路不停馳狗祿積日月官吏之所希此輩欲何求腹剝圖身肥世皇
一字宙四海均惠慈盜賊乘間發咎實由官司云胡未悔禍救焚用膏脂
姻婭遂連茹公介棄艸茨農郊日增壘良民死無期天關深虎豹欲語當
因誰

先王制民產曷分兵與農三時事耕稼閱武在嚴冬亂略齊憤疾戰伐厥
有庸那令異編籍自使殊心胸坐食不知恩怙勢含威克將官用世襲生
長值時雍豈惟冰霰略且不習擊劓悍卒等驕子有令亦無從跳跟恣豪
橫鼓氣陵愚恣所以喪紀律安能富賊鋒崩騰去部曲蟻合尋歸蹤時方
務姑息枉法稱寬容寧知養豺虎反噬中自鍾國家立制度恃此爲垣墉
積弊有根源終成腸肺癰何由復古道一視均堯封

拳狗不噬禦星馳慕民兵民兵盡烏合何以壯千城百姓雖云庶教養素
無行譬彼原上草自死還自生安知徇大義捐命爲父兄利財來應名早
懷逃竄情出門卽剽掠所過沸如羹總戎無節制顛倒迷章程威權付便
嬖賞罰昧公平饑寒莫與恤銳剝怨乃萌見賊不須多奔潰土瓦傾旌旗
委田野鳥雀噪空營將軍與左右相顧目但睠此事已習慣習巧莫能爭

廟堂忽遠算胸次精疑弁豈乏計策士用之非至誠德威兩不立何以御羣氓慷慨思古人側愴淚沾纒

古人有戰伐誅暴以安民今人尚殺戮無問豺與麟濫官無國法致亂有劫因何爲昧自反一體含怒曠斬艾若艸芥虜掠無涯津况乃多憤斂殃禍動輒臻人情各畏死誰能坐捐身所以生念慮嘯聚依荆棘寡憚隨梁官政惟因循將帥各有心邈若越與秦遷延相顧望退託文移頻坐食挫戎機養虺交蛇鱗遂令耕桑子盡化爲頑罵大權付非類重以貽笑粲鼠璞方取貴和璧非所珍但恐胥及溺是用懷悲辛

五谿舊三苗蛇蚓相雜處其人近禽獸巢穴依險阻起居任情欲鬪狠競爪距況能識君臣且不顧子父所以稱爲凶分北勞舜禹先朝慎羈縻罔俾來中土胡爲倏而至馳驟如風雨見賊但趨起逢民輒俘虜腰纏皆金銀衣被俱繡組所過惡少年改服投其伍農家劫掠盡何人種禾黍盜賊有根源厥咎由官府任將匪能賢敗衄乃自取奇材何代無推誠卽心啓誰哉倡此計延寇入堂宇割鼻救眼睛於身竟奚補浙西耕桑地百載安生聚自從甲兵興徵斂空軸杆疲氓真可憐忍令飼豺虎追憶至元年憂

來傷肺腑

虞刑論小故夏晉殄渠魁奸生雖大德縱惡非聖裁官吏逞貪婪樹怨結禍胎法當究其源剪鋤去根莠蒙龍曲全宥駕患於後來濫觴不理塞滔天谷陵頽總戎用高官沐猴戴母頤玉帳飫酒肉士卒食菜藿未戰已離心望風遂崩摧招安乃倡議和者聲如雷天高豹關遠日月照不該俱曰賊有神討之則蒙災大臣怨及已相視若銜枚阿諛就姑息華絨被死灰姦宄爭效尤無風自揚埃嘯聚逞強力謂是爵祿媒黎民亦何辜骨肉散草萊傾家事守禦反以結嫌猜慟哭浮雲黑悲風爲徘徊赤子母不憐不如絕其脛養鼻逐風鳳此事天所哀胡爲尙靡定顛倒腥與頰春秋戒肆宵念此良悠哉

八政首食貨錢幣通有無國朝幣用楮流行比金珠至今垂百年轉布彌寰區此物豈足貴實由威令敷廟堂喜新政躁議違老夫悠悠祖宗訓變乏在朝瞞瞞然駭羣目疑怪仍挪揄至寶惟艱得韞積斯藏諸假令多若土賤棄復誰沽錢幣相比較好醜天然殊譬彼絺與綌長短價相如互市從所取孰肯要其楠此理實易解無用論智愚矧茲四海內五載橫戈爰

赤子投枳棘不知所歸途一口常萬喙唇縮舌亦瘖樽水必尋源源達流
乃疏藝木必培根根固葉不枯慎勿庸邇言揚火自焚軀尙克詰戎兵不
顯厥祖謨

惟民食爲命王政之所先海醜實天物厥利何可專食臣務聚財張羅密
於鬻厲禁及魚鰕鹵水不得煎出門卽陷阱來足遭纏牽怙倖用鞭笞究
痛聲相連高牙間怨府積貨重姦權分攤算戶口滲漉盡微涓官征勢旣
迫私販理則然遂令無賴兒睚眦操戈鋌出沒山谷裏陸梁江海邊橫行
荷篋籠方駕列船舡拒捕斥後懦爭疆兮直前盜賊由此起狼耕成蔓延
先王務廣德如川出深淵外本而內末民俗隨之遷自從甲兵興奄忽五
六年借籌計得喪耗費倍萬千回憶至元初禁網疎且平家家有衣食畏
刑思保止後來法轉細百體皆拘孿厚利入私家官府任其愆大哉乃祖
訓典章尙流傳有舉斯可復庶用康述邇

秦皇縣九字三代法乃變漢祖都咸陽一統制荒甸豪雄旣鏟削瘡痍獲
休宴文皇繼鴻業垂拱未央殿累歲減田租頻年賜縑絹太倉積陳紅圍
府朽貫線是時江南粟未盡輸赤縣方今貢賦區兩際日月竊胡爲倚東

吳樽餉給豐饒徑危冒不測勢與蛟龍戰遂令鯨與鯢掉尾乘利便扼腕
夢國寵金紫被下賤忠良怒切齒姦宄競攀援包羞屈政典尾大不可轉
聖人別九州田賦揚為殿中原一何靡所務非所先幽風重稼穡王業立
山奠夫征厲未習孰敢事游燕哀哉罔稽古生齒徒蕃羨一耕而十食何
以奉征繕長歌寄愁思涕淚如流霰程玉陽曰感時十首可謂詩史追配
杜老真重邁元白矣

丙申二月別紹興諸公

勞生屬時艱將老萃憂感風塵隘九野何土為樂國茲邦控吳越名勝聞
自昔湖山競奇麗物產亦充斥交游尚質儉而不事華飾況有良友朋時
來慰岑寂全家免寒餓幾欲忘旅客胡為復舍此僂俛就行役軒車遠追
遠酒至淚輒滴還鄉人所樂我獨愁苦劇故山有松柏摧折為荆棘豈無
骨肉親大半生死隔此語不可聞此景那堪觀愁情如波濤瀆洞胸與臆
佇立向穹蒼一歎雙鬢白

雨中雜詩四首

久晴思得雨既雨久復厭廣庭屯陰氣平陸就昏墊淒風吹人寒朱火黯

無酸木衣上高墉泉滿發枯塹青泥沒遠道寸步不可覘慷慨成感傷纏綿積憂念

首夏涼風生胡樹結晚色濛濛細雨交慘慘原野黑衡門長藜莠壞壁穿荆棘念彼征戍兒沾濕荷戈戟囊橐罄留貲菽難充食供輸旣乏絕戰鬪何時息巢居者誰子鼠窟延晷刻田疇沒蓬蒿無處勸爾力及天高家寥仰視不可極

多雨損萬物草爛麥生耳青苔獨得時延蔓及堂庑晨興視天宇滴瀝殊未已君子懼陸沉小人憂餓死淒涼大將營鼓綬弧弓弛朝廷竟知否盜賊如流水

離居感時節寤寐不遑安青燈晦壁角簷溜如崩湍屈指計日月殷憂集多端蛙黷爾何知叫噪喧草莞中夜攬衾裯淒淒陰氣寒鳳凰鍛羽翼卑飛避鴟鷂撫几一長歎聲出心已酸

次胡元望郊行詩韻

誰言公館清晨氣晚未散豈乏樹蕊芊尚有花爛熳美人隔巷陌可念不可喚温温夜光璧幽州潛璀璨鄙夫競誼譁達士善大觀世情如秋蓮零

落風中辨少年喜紛紜談笑輕絳灌進取務出奇周慮非習慣逝水難重
迴芳時愁坐換元臣鎮方面邊戎仰成算應憐四郊外荆棘滿耕畔悽悽
憂葵女惻惻撫床瑾與懷增感傷展轉過夜半起行視青天星河色凌亂
安能作野馬脫略謝羈絆

夏中病瘡戲作呈石末公

晚浴烝骨毛踴蹬張萬孔不虞小人風堀堞觸捧瑜長驅毒暑氣痛若燎
發惚鑽膚入經絡鍵鑰若衝桶蚩蚩水帝子鼠伏伺腥膻癡瑯與狡瓊並
出助推桐天君赫斯怒六軍躬自董丹元將爽靈逆擊闕哮噴主客相批
亢乾坤爲搖動初交且是是再接遂咏咏脩脩益股切穢穢賜翅腹蕭颯
葉鳴颺輾轉車轉輾驚沙走塞窅落雪旋蟻螻凌競剝床辨敲琢搖佩奉
玄冰結太陰河海溢銀汞俄然一陽復日脚舒喻矇微微細泉湧拂拂輕
因榆柔枝披婀娜弱葉散萋葦燿如九烏燄熾烈昧窺腹炎祝融火炊
灼煬龍從龍奔歸大漠虎逝蜚空籠烘煖熟金石閃爍歎蟬肆伐殄罷
露止齊安惜惜空頭釋戴壓雨汗流滄黑羣醜醜黃庭百神總頗怪
天地氣去來何倥傯某如蟻赴羶散若蜂辭桶棄置且勿思宵鼓聽謹謹

秋夜感懷東石末公申之

不寐知夜長起視天宇闊散漫草上風朦朧雲間月寒禽鳴疎樹黃葉墮
階闥俛仰觀羣物惆悵不敢發誰云蟬蟻壤能使泰山飢蒼鷹鍛六翮狡
兎營三窟何當威弧正王旅得肆伐箇籥雖微材尚可施羽管豈意風浪
舟心猶隔胡越士生非金玉有足難自達周爰不恤緯楚放常懷闕平生
葵藿情忍與霜露歇玄冰膠坤軸非君孰能幹申章匪繁辭悲憤不可遏

次韻和石末公用元望韻遣興見寄

鴉鳩勸春耕桴鼓帖宵邏拊循餘暇暇口珠玉生咳唾時維青陽初天子在
左个布德順木令萬國罔不和祿食自紛紜撫字誰最課幅員若金甌絲
髮無縻破涓涓可摧山機禍不在大中夜登高樓遙瞻太微座乾坤澆象
落日月飛鳥過憤絕空有心盛時嗟已蹉

以野狸餉石末公因侑以詩

野狸性狡猾夜動晝則潛繫之籠檻中耳弭口不咩當其得意時足爪長
且鉅跳跟逞俊捷攫噬靡有饜貧家養一雞與用易米塩爾黠弗自食尋
聲竊窺覘破柵舔肉血淋漓汗毛鬣老幼起頓足心如刺刀鎌東鄰借釜

蹄西鄰呼獬獫繫餌翳叢灌設伏抽陰鈴彼機欸已發此欲方未飲絲繩
急纏繞四體如繭黏野人大喜慰不敢私烹燻持來請科斷數罪施剗割
七廉切使君鎮方面殘賊賊所殲滅送致麾下束縛仍加箝脛膏忤斧鉞
羶齒或可醃芼芳和糟醬頌賜警不廉黃雀利螳螂碎首泥塗露烏鴉殉
腐肉噴墨身受淹此物亦足飛申章匪虛誥

和石末公種棘用胡元望韻

力役困年侵種棘代遮邈豫防苟無失有地孰敢唾風條曲抽乙雨葉細
垂个是時春載陽土脉如膏和分疆督藝植勤惰各有課揮鋤綠烟披轉
石蒼蘚破稍看萌蘖長漸覩根株大結蔭冒長堤開花映高座猿公不敢
窺貉子那得過慨慕陶公言罔俾分陰蹉

得令字

勾芒發陳根北斗轉東柄眾星各參差威孤何時正好生雖聖心明刑亦
王政哲人慎謀始斯焉獲終慶徒言兩階舞可以懷逆命不見三危山萬
里竄梟獍世德異唐虞民情好爭競那無跼扁醫面有膏肓病波濤地軸
虬虎豹天關夏雨露富春滋風霜及秋勁誰能奉明主順天行號令

正月廿三日得台州黃元徽書有感 三首

世亂網恢恢斯人亦淪斃數奇當何如窮途難爲計育風振喬木碩果失
其蒂虎豹落機檻坐服與皂制玄珠迷罔象白日慘陰晴涉水水有蛟入
山山有羸棄馬感須無直道懷柳惠青冥無羽翼悲來夜迢遞

結交無疏戚艱難見平生金石苟不渝萬里如兩楹重山非云遠逸若遼
與荆嬈婉豈不懷蛇虺正驕擲手持故人書心念故人情開書問故人淚
下如雨傾

客從何鄉來遺我尺素書道路險且艱故人情有餘妖氣晦斗極黃濁混
龍魚何筌不爲猶何鱗不爲龜股劬故人心爛若明月珠投之千丈泥萬
古光不渝安得致閭閻以照君子車

次韻和石末公春雨見寄

愁陰冷陽景孟春猶舌寒騰雲湧旋岫落雪蔽江干街衢溢潢潦井谷生
狂瀾誤疑蛙黷窟中有蛟龍蟠復憂扶桑日坐爲黃濁漫顧瞻望四郊側
足不遑安却秦慕魯運存齊想田單玄髮雖向改壯心終靡彈小人務苟
且君子慚素餐高牙對多壘肉食徒王官周綱雖云弛一匡賴齊桓莫驚

薄冷盈雨息當自乾

次韻和石末公春日感懷

下澤潢潦集幽林
光景遲羈禽有哀響
稿葉無丰姿
梁稊不同畝
世事久當遺
便欲駕扁舟
泛彼湖上漪
慨懷所招賦
悵惻感遐思
流光逐飄風
去若六馬馳
干戈尚雜迷
舉目多可悲
步登西城樓
還望東城陴
近悼春陵吟
遠傷鴻雁詩
未能已
怨怒矧暇防
笑唾賴有賢
大夫直道人
不欺相期各努力
共濟艱難時

偶興

勞人怨長途
壯士悲老別
那將望鄉心
對此傷神月
淒涼寒風至
惆悵芳草歇
歌瑤琴無子
期絲絃為君絕

黃慎之自開見訪夜坐對酌悵然有感

故人一為別
七見秋夕月
今日見故人
故心鬚髮又新
世情如鬚髮
故人當識察
車輪東北馳
車轂終不移

鄭同夫餞別岡詩

江上潮始白
林端霞半紫
微風颺歸帆
紅葉映竹子
芳膠沁金樽
清歌猶

在耳馬鳴不見人愁來若流水

爲本大師題唐臨晉帖

乾符天子萬機暇宮中扈從多儒冠玉堂開宴出晉帖翠氣蕩搖山雪寒
侍臣模寫各臻妙碧樹瓊柯相照耀令孜嗟嘆至尊喜內官拜舞宮娥笑
日斜宴罷歸內園外門有事人不言君不見關東夜飛赤白丸昭陵玉匣
秋風酸

題鍾馗役鬼移家圖

聶夫當前竄婦後暗鬼作糧驅鬼負山蜺可駕雷可車胡爲役鬼來肩輿
乃知老馗未公正怙威植私干律令玄雲沈陰鬼怪多馗乎馗乎奈爾何

爲王輔卿郎中題雪灘寒雁圖

雲茫茫水浪浪林木脫葉無精梁烏啼雁叫天蒼涼歲云莫矣江山長有
竹有竹在高岡三株凍折兩復僵小禽悲飛不能揚蒼梧悠悠隔沅湘欲
往從之川無梁披寒霄見朝陽勿令噉噉傷我腸

畫竹歌爲道士詹明德賦

我所思兮在瀟湘蒼梧九疑渺無際但見綠竹參天長上有寒烟凝不飛

下有流水聲琅琅中有萬古不盡離別淚化作五色丹霞漿穿崖貫石出
厚地風吹露滌宵有光我欲因之邀鳳凰天路脩阻川無梁孰知畫史解
人意能以造化歸毫芒虛堂無人白日靜使我顧盼增慨慷玄霜慘烈歲
將宴飈啼飈叫天悲涼我所思兮杳茫茫山中紫筍春可茹歸來無使遙
相望

辛卯仲冬雨中作二首

江城積陰愁玄冬千家萬家雲水中烏啼黃昏雁叫夜鼓角慘澹愁悲風
青燈無光掩關坐饑鼠相嘶啼過我讀罷殘書有所思凍雨霏霏淚交墮
歲云暮矣風蕭蕭木葉脫落惟空條雲濃雨細白日短慘慘不辨昏與朝
雨中行人足斛觥去與公家製戎服中原豺虎正橫戈天寒風急奈爾何

悲杭城

觀音渡頭天狗落北關門外塵沙惡健兒被髮走如風女哭男啼撼城郭
憶昔江南十五州錢塘富庶稱第一高門畫戟擁雄藩艷舞清歌樂終日
割膾進酒皆俊郎呵叱閑人氣驕逸一朝奔迸各西東玉笋金杯散蓬蓽
清都太微天聽高虎略龍韞緘石室長夜風吹血腥入吳山浙河慘蕭瑟

城上陣雲凝不飛，獨客無聲淚交溢。

夏夜台州城中作

江上火雲蒸熱風，欲雨不雨天夢夢。良田半作龜兆拆，杭稻日夕成蒿蓬。
去年海賊殺元帥，黎民星散劫火紅。耕牛剝皮作戰具，鋤犁化盡刀劍鋒。
農夫有田不得種，白日慘淡衡茅空。將軍虎毛深，玉帳野哭不入轅門中。
健兒鬪死烏自食，何人幕下矜奇功。今年大軍蕩淮甸，分命上宰麾元戎。
舞干再見有苗格，山川鬼神當効忠。胡爲旱魃還肆虐，坐令毒沴傷和沖。
傳聞逆黨尚攻剽，所過丘壠皆成章。關司恐畏被和議，斥堠悉罷雲邊烽。
殺降共說有大禁，無人更敢彎弧弓。山中悲啼海中笑，蜃氣繞日生長虹。
古時東海倖孝婦，草木枯瘁連三冬。六月降霜良有以，天公未必長疴壘。
只今幅員廣無外，東至日出西太蒙。一民一物吾肺腑，仁者自是哀鰥悁。
養氣殫鳳天所厭，誰能抗疏回宸衷。夜涼木末掛河漢，海嶠月出光玲瓏。
仰視皇天轉北斗，嗚呼愁歎何時終。

題釋駮圖

關中小兒勇而競，玉帳貔貅三百乘。焉知道上十二牛，皇天默佑周同姓。

絳宮大厲吼如雷墨車載甲光照縱鷹騰二陵間劔鋒白噤噤壯士百戰
腦塗地元帥束縛坐艸萊俘囚有血堪覆鼓自分殘膏染齊斧一死一生
直望外豈意片言由內主鴻雁曾傷弓尚爲空拳愁犀兕脫匣出聞呼肯
回頭河邊解駮徒謫謀舟中稽首心悠悠濟河封尸勿云晚此事終作晉
國羞君不見夫差違子胥空灑姑蘇泣丈夫深戒婦人仁養虎遺患悔莫
及方谷真遣人浮海納賄中官差定招安之議故引襄夫人事以刺焉

題錢舜舉馬圖

吳興公子雅好奇欲把丹青競天巧花蜂柳鶯看已足貌得驪驢圖更好
浪花滿身蹄削礪兩耳抽出春筍尖風鬣欲拂九霄霧矚目似掛高秋蟾
昨者王良失機韉封狼咆哮蛇豕開天闕乘黃越在野出車未見歌南仲
嗚呼安得此馬背負郭令公掃清四海歸奏明光宮

題陸放翁賣花叟詩後

君不見會稽山陰賣花叟賣花得錢卽買酒東方日出照紫陌此叟已作
醉鄉客破屋舍星席作門溫螢生窟花滿園五更風顛雨聲惡不憂屋倒
憂花落賣花叟但願四海無塵沙有人賣酒仍賣花

包與直題太一真人圖

太乙真人龐眉須不知所持何代書既不學昂星降精下輔隆準公又不
學傳說請帝通夢寐左右商王陳絕謨眇然一葉蓮花莠清秋風吹落泥
塗紅周粉擦不可扶君何爲乎以爲桴蕩漾九河凌五湖夸耀水伯驚天
吳坐令文成五利之輩假借神聖欺庸愚靈旗風翻壯荆符辟鹿無鬼夫
何辜漢宮天祿連石渠金缸銜璧麗綺疏青藜有燄如芙蓉何不分餉依
光夜績之徐吾高堂耽耽縣畫圖作歌一笑駭里閭

爲戴起之題猿鳥圖 牧齋書

巴東之山巫山高連峯插天關鍵中有懷陵簸谷之波濤藤蘿杳冥風
怒號人跡不到神鬼逃但見野猿沙鳥羣相嘈聲取百竅搖巖壑此景可
聞不可遭爾何爲乎貌以毫毛嗟哉用心無乃勞江盤峽東雷雨昏崩岬
死樹纏古根猿抱兒隨白猿長臂嬾嬾相攀援倏睽譎趨騰鸞縣柯攬
石墜且揪上有滿月如瀨盆竇當桃枝寒自蕃嘉實不食鳳高翻但見娥
皇女英之淚痕勢窮險盡原野闕落日烏鴉繞雲黑荻花茫茫蘆葉赤前
飛鷓鴣後鳧鷖瀟湘洞庭烟水碧駟虞鸞驚無顏色還君此畫長太息獨

立看天沃沾慮

題羣龍圖

世間萬類皆可觀茫昧獨有鬼與龍此圖畫龍二十四狀貌詭譎各不同
得非物產有異種或曰神變無常蹤一龍捷尾欲上水足爪猶在齋云中
一龍出穴飲澗底頭上飛瀑瀉白虹前有一龍已在雲顛視厥子揚雙瞳
浪波魚鱗杳密縱日車挾北天無風中庭兩龍忽相逢須眉鬣髯如老翁
便欲角觝爭雌雄西望積石接崆峒白龍擘石窺流深河伯遠遁虛其宮
屈蟠睡者何龍鍾老物用亢時當終峽外六龍獰以兇矜牙舞爪起戰攻
齧鱗嚼甲含劔鋒陷胸折尾波血紅之死弗悟人誰恫一龍引肱將欲從
迴環睢肝未敢通最後一龍藏於垆睥睨勝敗非愚神無乃有意收全功
雲中弄珠勞爾躬不如卧沙之從容龍子學飛力未充母在下視心憧憧
何物一角額準隆赫然出洞若蛇蟲有龍接之自龍從恐是聳亢王簡公
皮骨始蛻形猶蒙兩龍歸來倦不神癡龍攀石身已癡蚘蚪偃蹇欲騰騰
蜃蝾攪躍鬢髮茸吐呀奔拏曲如弓百態並作何紛靡是耶非耶孰能窮
畫師昔有僧繇工能令真龍下虛空安得伶倫截竹筒吹之呼龍出石拱

使我一見開昏聩

爲丘彥良題牧谿和尚千雁圖

往時惠崇畫蘆雁對之如在江湖遊只今此圖又精妙中有千里瀟湘秋
乃知浮屠性多巧意匠不與凡夫儔吳松江長具區闊天目虎丘青一髮
西風九月秔稻黃朔雁飛來翼相侵農天苦饑雁獨飽此意畫師應識察
近者分明辨羽毛遠者縹緲瞻秋毫戎黍飄風入烟霄或翳落日沉墜濛
起如武侯布八陣集如萬舞回旌旄眠沙卧草鳴且翔喋呷瀟苻亂蓬蒿
禾空穗盡却歸去紫塞漠漠春雲高我家南山隈蒼嶺雁飛不到川路永
深林大谷蛇豕盛愁向他鄉撫虛景人言鴻雁比弟兄我有兄弟隔兩城
題詩卷畫謝客去無使感愴傷中情

雨中寄用章上人

月盈復魄已過五不見白日長見雨美人娟娟隔巷陌會面不得徒延佇
昔邪常門泉湧礎仲蔚蓬蒿塞環堵陰風向人作秋氣芳草日夕成宿莽
玄圭上天禹穴閉蒼水使者今何許玉京羣仙翳煙霧弱水西流隔玄圃
女夷鼓歌不自覺朱鳳翅濕那能舉自從干戈起淮甸天下無處無豺虎

微歛頻煩轉輪急更有何鄉爲樂土
鬻桑餓人誰復數思家遠客空悽楚
半生身世付浮雲獨立看雲百憂聚
晚來天南橫絳虹雨勢未已愁雷公
井蛙谷鮒俱得意泥濘潢潦登穹隆
方外文章誰最好後有顛公前笑老
裴詩忽漫寄中情萬事茫茫聽蒼昊

玉潤和尚西湖鬪歌

大江之南風景殊杭州西湖天下無
浮光吐景十里外巖嶂湧出青芙蓉
百年王氣散荆棘惟有歌舞雷歡娛
重樓峻閣如鉛黛媚柳嬌花使人愛
老僧不善兒女情故作獼猴象
真態想其泚筆欲畫時高視化工如小兒
千機萬壑吾意正夸娥巨靈舌指麾却憶往年秋雨夕畫舫衝烟度空碧
蒼茫不辨雲與山但覺微風颺草蘆
荻須臾冷月迸深霧時見松杉半昏黑
開尊命客彈焦桐扣舷大笑吟海童
鮫人唱歌魚鼈應木底影動雙高峰
只今倏忽成老翁可憐此樂難再逢
愁來看畫欲自適誰知感生愁轉劇

題富好禮所畜村樂圖

茂昔住在南山頭連山下帶清溪幽
山巔出泉宜種稻統屋盡是良田疇
家家種田恥商販有足懶踏縣興州
西風八月淋漓盡稻穗穠比無蝗蟲

黃雞長大白鴨重瓦瓊琥珀香新竊芋魁如拳粟穀赤獻罷地主還相酬
東鄰西舍送賓主老幼合坐意綢繆山花野菓插巾帽竹筍漆椀兼蘋蕪
酒酣大笑雜語話跪拜交錯禮數稠或起頓足舞侏儒或坐拍手歌甌篪
傾盆倒榼混醞醬爛熳沾漬方未休兒童跳躍助諠譟執道遂走同儕囚
出門不記舍前路顛倒扶掖迷去留朝陽照屋且熟睡官府亦簡少所求
寧知宴安含酖毒未耜一變成戈矛高門大宅化灰燼蓬蒿瓦礫塞道周
春燕營巢在林木深山露宿隨猿猴三年避亂客異縣側身天地如浮漚
親朋阻隔童僕散疏食水飲不自謀有時惘恍夢閭里驚覺五內攢百憂
君家畫圖稱絕妙鑿別會遇柯丹丘想應臨榻出秘府筆意精到世罕儔
村歌社舞自真率何用廣樂張公侯太平氣象忽在眼令我感愴涕淚流
近者鄉人來報喜今歲高下俱有秋豺狼食飽財窟穴軍師已運招安籌
人情自古共懷土況乃霜雨淒松楸神龜且被預且困予所弗念天我尤
積薪厝火非遠計誰能獻納陳嘉猷長江波浪接淮泗白日慘澹騰蛟虬
天下農夫總供給隴畝不得安鋤耰市中食物貴百倍一豕之價過於牛
魚鹽菜菓悉賣米官格束閣若贅癩朝餐僅了愁夕膳誰復有酒澆其喉

循環天運往必復邪氣暫至不遠瘳此生此景須再覩引領悵望心悠悠

為啓初門和尚題山水圖

天下名山隨處有畫圖流傳亦良久祇園道人展橫幅觀者稱誇同一口
蒼梧九疑高插天卷而懷之不盈手巨靈驚呼盤古怒地軸塊坳昆侖剖
太陽出海開杳冥嶓冢岷峨大如斗華軒無人清晝閑恍然置我匡廬間
金輪迴出牛女上遠近羅列千雲鬢江花野竹青錦斑嵌巖斷石蛟鼉顏
岡盤谷轉絕徑路但見湖水迴瓊環白沙洲暖春風起南船掛帆北船艤
吳波不盡芳草外楚岫半入長烟裏夜深小龍行雨歸宮亭月落彭郎磯
旌陽步虛慮老和雜佩散作虹蜺飛百年塵世真夢寐回首旌旗塞天地
舊游何處成渺茫一曲狂歌數行淚青丘弱水迷方壺武陵桃源今有無
瑤臺三島消息斷安得羽翼歸清都

題趙學士松岡

白芬

趙公拈筆作古松平地躍出三青龍蜿蜒不上霄漢去爽颿長留烟雨澆
前朝美人鬪艸處猶有當時數林樹江亭六月涼如秋應與此圖相對愁

題李陵見蘇武圖

中原無誓抵不乳狐裘蒙茸奈何許老身漢節死生俱地角天涯見明主
金鞍駿馬空故人相看一笑增悲辛悲來風沙吹上馬河水東流日西下
空一作吾

長平戈頭歌

長平戰骨燼塵飄歲久遺戈金不銷野人耕地初拾得土花漬出珊瑚色
邯鄲小兒強解事枉使泥沙埋利器四十萬人非少弱勇怯賢愚一朝棄
陰坑血冷秋復春朽壤食盡蒼蛇鱗湮淪長愧杜郵劍廢墜空憶椿喉人
故壘中宵鬼神入雲愁月暗戈應泣嗚呼當時豈無牧與頗戈乎不遇可
奈何

錢王箭頭篇

鷗夷遺魂拗餘怒欲取吳山入江去雷霆劈地木羣飛海門扶胥沒氛霧
英雄一怒天可回肯使赤子隨鮫鮪指揮五丁發神弩鬼物碎易腥風開
三百年來人事改濤落沙平箭空在石梁飲羽未足誇蜀國三犀漫欺紿
近聞黃河水亂流青徐一半悲魚頭安得壯士斡地軸爲拯斯民塗炭憂
次韻和石末公七月十五夜月蝕詩

招搖指坤月望日大月如盤海中出不知妖怪從何來恟恍初驚天眼眈
兒童走報開戶看城角叩鳴聲未卒蟾逃兔遁漠無蹤壁隕珠沉一何疾
丈夫愕視隘街巷婦女喧呼動圭算輝輝稍辨河漢沫耿耿漸明荒冢漆
百官袍笏羣吏趨伐鼓撞鉦仍設鞞赤水難令罔象求澠池莫効相如叱
升簷發閣到空曠塏掩氛侵殊靡畢廣寒桂樹劫火燼借問嫦娥有何術
今年下土困炎沴草木焦枯野蕭瑟迸號鴟死龍甲歊赤燂當衢掛萍實
光芒照灼玄武爛誰復瑣憐蚌鵝今夜惡作最差異天道幽微孰能詰
太陰配日宰臣象無乃常形多縱軼近來營壘徧宇內羽林慄澹空鐵鎖
荒郊廢市何所見夔罔蛟蛇兼蚤蟲此皆在地不在天未若蝦蟆豹而捕
黃文結鄰上訴帝賜以小戎駮壯隲剖褻洗魄還月光再起咎繇明典秩
返嶮歸免復緘阿萬古游塵避清蹕

再用前韻

虞淵豁衍納歸日金樞吐月相承出初離積水看若飛稍映微雲盼猶眈
是時暮收聲祝政莎雜振羽鳴蜩卒媚娥覩粧覲玉帝欻軻中途嬰禍疾
旅人苦熱愛清涼快觀光輝滿蓬華願開寶鑑昭羈益豈擬虛糜昏點漆

隋珠慙固重革概和璧嗟蒙林草
驪吳罌樹折不自謀織阿馬弱無入此
三足蟾驚入坎窞八竅免走州且
畢圍灰破暈設傳方屑玉補凹空著術
雷公駭懼罷靈鼓湘女幽憂合鳴瑟故老謂是蝦蟆精潛伏姦妖管口實
羲和尸位罔聞知可以人而不如鷓鴣往歲威弧弛其發蛇豕陸梁誰復詰
高牙大纛擁藩垣腸斷吞聲受陵軼江淮洶湧湖浙沸骸骨成山連鬼鎖
萬姓喁喁釜裏魚百官蠶蠹神中蠹黃茅白葦棄賢良赤紱玄裳寵猥猶
吳穹示變盜警畏惟德動天大自騰況今旱魃又爲厲東作西成不平秩
安得緘辭伏閭闔聖主如聞應駐蹕

溧縣東宋二編修長歌

浙東行人過江左正值蕤賓之管吹輻
葭陰氣黯黯天地閉仰面不見扶
桑揚谷風哀鳴灌木應雨脚四垂如亂
麻崩瀉湧漚汨奔會平地碾齧作
白窪便疑桑田變滄海流沫熒眼無津
涯管茅披猖黃竹拜蛙鼃狼籍助
誼譁滿路青泥雜隕籜局縮畏觸蛭與
蛇破瓦荒畦舊市井荆榛穢巢巢
麋麋翠竹蠲鬚轉蓬去頽墻缺甃劫火
燬善淫禍福不可料韶豔天闕令
人嗟叢祠佛殿總銷歇但見木偶眠泥
苴前度長洲絕短澗輿從沾濕水

沒跨寒颺痒瑟透衣袖雖有覆蓋那能遮水邊老鸛學人立鷺鸞侍儂如
小嫖廢田蔓草結旌旆農夫盡化爲蟲沙布穀不知時事異勸耕終日聲
查查晚來雨歇到涇縣只有蒿荻無人家縣官趨迎入公廨筋蠻骨解肉
半麻蕭條破竈冷灰地饑童凍口張哈呀淖沲麥飯那能致新豐酒醪何
處賒古稱悲歌可當哭莫怪笑謔同兒哇夜深月出照庭樹鬼燐一似青
蓮華驚魂遁魄稍歸舍收入志慮無令邪愁愁曉霧子規叫起坐更盼羲
和車

聽蛙

繞舍荒池底且銜蝥蛙齊候鳴雷社已知地氣上如炊更覺石泉流若瀉
衆頭玉燭煥陽明跼足汗泥悲土苴半夜條風入綺牕清晨細雨霏簷瓦
梁間紫燕舞參差枝上黃鸝語悲妮播形肖貌均有生感氣傷情孰瘖瘖
初聆衙衙雜更鼓漸聽嘈嘈成侈哆猶持堅白較同異似坐狙丘談稷下
村童叫噪聲學究悍婦勃磔喧姊妹西域胡僧彈般若若齊東老生矜炙輶
逸帆觸岸靡蒹葭醉客罵逡投盞竿叻咬誰辨驃兒哇號若乍開寶叟嘯
怒牙嚼齧悻羅吞瘡言詰屈驚宜楸徒夸楚使能晉齊未讓秦巫工詛辛

兜離傑休紛醜縷帝樂虛張洞庭野虞夔奚暇調笙磬周替朽由分鄭雅
旅人懷憂實無寐遭此張聒胡爲者得非作姦謀蝕月無奈聚訟騰謹謨
昔聞周公立典教蚘氏專司鞠灰灑常疑聖人茂育物獨向微蟲少寬假
乃今知其非瑣屑欲問官司乞餘地鳳皇鴛鴦苦希白雪陽春和偏寡
蚊蠅蚤蟲多於沙鑽啞暗鳴紛醜視蝦蟇幸不含毒螫何苦吮吮爭肥蚘
烏鳶逐響蛇聽音寧顧人腹生癢痕賦詩却笑柳柳州忍使腥臊辱菹鮓

贈道士蔣玉壺長歌

先生清如玉壺冰神閑志一精粹疑玄黃健順六子承和氣埃九龜穢澄
沖虛澹澹廓以弘冥茫沕穆恬無能火鳥入海陰液升鸚蛇受約不敢騰
束縛龍虎如寒蠅虛無黃堂帝所憑四方上下齊鈎繩北幽羅對對朱陵
女夷鼓歌王母應瓊宮夜半張華燈金葩碧葉紅罷毳素霞鬱滃玄雲烝
沈瀛厭浥淪泉興牽牛織女來相仍用之不減亦不增地官錫福天官徵
老蚌迸激驪珠升太一象輿驟八鷲翼以六蜺前五騰風輪蕭蕭生夏凌
秦旗九旂袂緝滕二八青蛾美目滕翠鞋交翟翺掖輪屬車九九如連繩
最後雷輶午所乘流蘇勃窣垂鏤膺編爛駁馬蹏駘駘踏霧碎綺絳

天津閣道輔輔轅歸來瑤臺十二層月光照耀玻璃棚下視瀛海波濤砥
 能官蜃窟寒兢兢歸塘賜谷清可憑鱗甲鏡瑩鱗與鮫相妃鼓瑟水絲絃
 擬金戛玉萬穴澆琅玕風吹般峻嶒琉璃雲母龜貝明琳房壁璫階陞
 素鸞振迅霜女扔璇璣瑰肅蕙蕙洞見曠朗眩遙豎痺肌砭髓魂欲殞
 忽然浮空隨香膏躡電耀羽脫肱天衢阻遐世網曾昏昏日月破炎蒸
 句曲之山翠珉礚楓杉檜栢楮桂奶蘅蘭杜若蕙藍琴綠岡被嶺巖磧勝
 大地浪井瀑練湖萍瀕繡繪芙蓉菱羅虬蚪千年藤纏絡薛荔懸崩膏
 敷芳發醜菲芬芳獬狔獬離雌屬蒼鷹攀援歛若巖粵崩寒蠶蟻蝨蟬范蠡
 嵐餐靈飲噴炭岫先生皮冠衣絳緝桃枝七尺穿虺騰三茅真君共嗟稱
 星根絕頂時同登黃斑黑虎陟降凭石鍊甘漿溢若澗神芝吐綫如質登
 食時動機保不甦驅斥垢噴除癢癢眸光照座生紫稜舉觴引滿鯨喉漿
 解后見之喜莫勝揚眉抵掌開蒙顛人生嘉會安得恒靖恭正直天所仍
 作詩持贈匪妄詭

二鬼

憶昔盤古初開天地時以土為肉石為骨木為血脉天為皮崑崙為頭顱

江海爲胃腸嵩岳爲背脊其外四岳爲四肢四肢百體咸定位乃以日月
爲兩眼循環照燭三百六十骨節入萬四千毛竅勿使淫邪發洩生瘡痍
兩眼相逐走不歇天帝懲其勞逸不調生病患申命守以兩鬼名曰結璘
與璿儀鬱儀手捉三足老鴉脚踏火輪蟠九虯咀嚼五色若木莢身上
五色光陸離刺發腸谷暮金樞清晨還上扶桑枝揚鞭驅龍扶海若蒸霞
沸浪煎魚龜輝煌焜耀啓幽暗燠煦草木生芳絳結璘坐在廣寒桂樹根
漱嚙桂露芬香菲啖服白兔所搗之靈藥跳上蟾蜍背脊時插光弄影瀟
雲漢閃奎燦壁葩花搗手摘桂樹子撒入大海中散與蚌蛤爲珠璣或落
岩谷間作珣珉人拾得喫者胎臆生明翬內外星官各賦職惟有兩
鬼兩眼晝夜長相追有物來掩犯兩鬼隨即揮刀鉞禁制蝦蟆與老鴉低
頭屏氣服役使不敢起意爲對欺天帝憐兩鬼暫放兩鬼人間嫉一鬼乘
白狗走向織女黃姑磯槌河鼓塞兩旗跳下皇初平牧羊羣羣羊食肉口
吻流膏脂却入天台山呼龍喚虎聽指揮東岩鑿石取金卵西岩掘土求
瓊巖岩旬洞砦石梁折鷲起五百羅漢半夜撥刺衝天飛一鬼乘白豕從
以清羊清兔赤鼠兒便從闕道出西清入少微浴咸池身騎青田鶴去採

青田芝仙都赤城三十六洞主騎鸞翳鳳來陪隨神魁清唱毛女和長烟
裊裊飄熊旂蜚廉吹笙虎擊筑罔象出舞奔馮夷兩鬼自從天上別別後
道路阻隔不得相聞知忽聞寒山子往來說因依兩鬼各借問始知相去
近不遠何得不一相見敘情詞情詞不得敘焉得不相思相思人間五十
年未抵天上五十炊忽然宇宙變差異六月落雪冰天遶番崑上山作窟
穴蛇頭生角角有岐鱈魚掉尾斫折巨鱉脚蓬萊宮倒水沒消機倉枉矢
爭出逞妖怪或大如甕盜或長如蜈蚣光燦燦形躑躅叫庚尔呼能龍煽
吳回翔魁魑天帝左右無扶持收蝨蚤蠱蠅蚋蝻嗜腐啣血鬪飽肥撥攫
不可揮筋節解折兩眼瞋不辨妍與媸兩鬼大惕傷身如受榜笞便欲相
約討藥與天帝暨先去兩眼翳使識青黃紅白黑使下天潢天一水洗滌
盤古腸胃心腎肝肺脾却取女媧所搏黃土塊改換耳目口鼻牙舌翁然
後請軒轅邀伏羲風后力牧老龍告泰山稽命魯般詔工倕使豐隆役黔
羸礪斧鑿具鑿鑿取金尊收伐材尾箕修理南極北極樞幹運太陰太陽
機檄台皇地示部署岳瀆神受約天皇墀生鳥必鳳凰勿生梟與鴟生獸
必麒麟勿生豺與狸生鱗必龍鯉勿生蛇與蠃生甲必龜貝勿生蝮與蚺

生木必松楠生草必薺葵勿生鉤吻含毒斷人腸勿生根棘覃利傷人肌
螟蝗害禾稼必絕其蛛蟻虎狼妨畜牧必遏其孕孽啓迪天下蠢蠢氓
蹈禮義尊父師奉事周文公魯仲尼曾子與孔子思敬習書易禮樂春秋
詩履正直屏邪歆引頑嚚入規矩雍雍熙熙不凍不飢避刑遠罪趨祥祺
謀之不能行不意天帝錯怪恚謂此是我所當爲眇眇末兩鬼何敢越分
生思惟嗷嗷向瘖盲洩漏造化微急詔飛天神王與我捉此兩鬼拘囚之
勿使在人寢做出妖怪奇飛天神王得天帝詔立名五百夜叉帶金繩將
鐵網尋踪逐跡莫放兩鬼走逸入嶮巖五百夜叉箇箇口吐火搜天括地
走不疲吹風放火烈山谷不問杉栢檉櫟蘭艾蒿葦藜茅茨燔焱熨灼無
餘遺搜到九萬九千九百九十九例即个底捉住兩鬼眼睛光活如琉璃
養在銀絲鐵柵內衣以文采食以麋英教突出籠絡外踏折地軸傾天維
兩鬼亦自相顧笑但得不寒不餒長樂無憂悲自可等待大帝息怒解猜
默依舊天上作伴同遊戲此詩蓋擬昌黎二鳥而作所謂二鬼公蓋自謂
及金華太史公也其推挹金華如此○程孟陽曰公樂府多似太白少陵
關擊張文昌王仲初此又在盧仝馬異間奇怪直彷彿昌黎矣

列朝詩集

甲集前編第一終